

DISSERTATIO MEDICA INAUGURALIS,
DE

MEDICAMENTORUM MODO OPERANDI IN CORPORE VIVO,

SPECIMEN PRIMUM,

QUAM,

PROPTIO NUMINE DIVINO

ET

GRATIOSÆ FACULTATIS MEDICÆ CONSENSU,

PRÆSIDE

DN. D. MICHAELE ALBERT

POTENTISS. REGIS BORUSSIÆ CONSILIARIO AULICO, MEDICINÆ ET PHILOS. NATUR. PROFESSORE PUBLICO ORDINARIO, ACADEM. CÆSAR. NAT. CURIOS. COLLEGA,

FACULTATIS MEDICÆ DECANO SPECTATISSIMO,

PATRONO, PÆCEPTORE AC PROMOTORE SUO CUI

HONORIS CULTU PROSEQUENDO,

PRO LICENTIA,

Horis ante - & pomeridianis. d. Octobr. MDCCXIX.

Publicæ ventilationi submittet

JOHANNES GODOFREDUS RICHTER

GUB - LUSAT.

HALAE MAGDEBURGICAE,

Typis CHRISTIANI HENCKELII, Acad. Typogr.

Digitized by the Internet Archive
in 2019 with funding from
Wellcome Library

<https://archive.org/details/b30773398>



PRÆFATIO.



Inima non curare

Prætores pervulgato illo innotuit dictorio, quod in illos communi more & modo dici & duci solet, quibus publicum commodum concreditum est, quo illius promotioni atque augmento

studium operamque adhibeant; sed cum hi & utile & necessarium promovere debeant, ita minima, tum minus necessaria tum minus utilia haud attendunt, neque illorum tractationi intenti sunt, cum tot majora, digniora & præstantiora commoda supersint, quæ vel solum hominem requirunt, ut adeo in minimis circumspicere otium haud suppeditetur: hinc illi, qui ingenuo & strenuo animo necessaria curant atque tractant, indies observabunt, quantus numerus majorum & digniorum considerationum occurrat, quibus hætenus vel nulla vel insufficiens cura adhibita fuit: Idem sane in scientiis humanis attentam mente pensitandum est, quoniam inter illas res, circa quas intellectus humanus versatur variæ species discre-

pantis valoris & dignitatis occurrant, quæ vario modo animum detinere possunt: ne itaque in illarum selectu viliores & ignobiliores dignioribus & pretiosioribus præferantur, omni studio & prudentia advertere convenit: Sed quoniam *suum cuique pulchrum*, ita continenti & virgili animo prospiciendum est, ne dum quisquam minima tractat, maxima egisse videri gestiat: quin rectius acclamare possumus illud *Virgilianum*: *nimum ne crede colori*, siquidem non illa propterea magnæ dignitatis argumenta sunt; quæ curiosa, quæ speciosa, quæ jucunda sunt: & licet inquietos & vagos animos illud *Ciceronianum*, quod in proverbium abiit, *nihil dulcius, quam omnia scire*, excitare possit, tamen alterum illud Proverbium: *nihil inanius quam multa scire*, hunc pruritum compescere, demulcere & attentionem ad utilia & necessaria convertere potest: Et licet aliqui reputent, quod nihil minimum esse possit, quod non in eximios usus atque singulares utilitates converti queat, attamen semper attentus animus inveniet digniores considerationes, quæ aliis multis modis præferri merentur: imo licet res maximæ, minima habeant initia, uti *Tullius Lib. V. de Finib.* dixit: *quod omnium rerum principia parva sint, sed suis progressionibus usu augeantur*, tamen propterea in minimis acquiescere non convenit, & si in una eademque re majores & nobiliores respectus præsto sint, cur in minimis diu oberrabit? aut cum juxta *S. Basilium Magnum orat. 6. modicum modico apponere non magis in argenti, quam in cujusque alterius scientiæ additione ad amplitudinem valere*, existimandum sit, aut uti, *Sylveira Lib. 4. in Evang. c. 12. n. 201.* dixit: *ad gloriosos triumphos non solum magna, sed etiam par-*

va conveniunt: tamen ille non parum à scopo & spe sua aberrabit, qui in parvis magna quærit, si non magnâ parvis addat & si posthabitis altioribus respectibus, viliores & inferiores animadversiones seligit atque pervolvit: eapropter vero minimè minimorum neglectui patrocinari lubet, illud tantum significantes, quod dum minima, minimum usum & fructum habeant, ita primarium hominis studium esse debeat, quo majorem utilitatem principaliori industria prosequatur. A generaliori hac disquisitione propius ad forum medicum accedimus & notamus, quod in eodem tam minores quam majores animadversiones occurrant, imo quod per gravem errorem interdum è minimis maxima & è maximis minima fingantur; unde non nisi crassæ & perniciosæ confusiones scientiam & artem medicam offendunt: quot non subtiles passim atque intricatæ considerationes in Theoria medica conspiciuntur, quæ magis animum delectant, quam utilitatem & ipsam artem medicam adjuvant: quæ non passim circumvolant meditationes & disceptationes de elementis cum corporis humani, tum etiam medicamentorum: quot non supponuntur & finguntur fermentorum species? quæ non excogitantur actiones & reactiones reciprocae subtilium materiarum corpus constituentium? quales non analyses corporis humani mixti instituuntur? quot non supponuntur materiæ activæ, corpus animale afficientes & impellentes? quantæ non instituuntur contortæ assimilationes cum corpore humano vivo & objectis atque subjectis, quæ homini plane non usitata sunt? quæ non circumvagentur variæ infirmæ, incertæ & otiosæ Theoriæ physicæ,

chymicæ, mechanicæ, botanicæ? quam operoso conatu vires medicamentosæ ex ipsis remediorum principiis non deducuntur & urgentur? quanta non incertitudine remediorum principia inquiruntur, supponuntur pro & contra ventilantur? quanto non arduo labore variæ stimulationes, effervescentiæ, mumiales impressiones &c. producuntur & ut monstrosus foetus pariuntur? quam non obtuso acumine tam ingenii, quam iudicii, motus vitales ex necessitate quadam corporis configurati & contexti urgentur & coguntur? quanta non patientia & quanto non otio inquiruntur subtilitates ad nudum corpus pertinentes? quam non curiose oculus armatus intropicit figuras humorum, an sint globosæ, an cylindricæ, an cubicæ, an angulosæ, an hastatæ, an ramosæ, an arcuatæ, an rhomboideæ, an hamatæ, an falcatæ, an pyramidales, an polyedræ &c.? quot non vagantur opiniones & indagationes de salibus institutæ, an hæc sint acida, an austera, an amara, an dulcia, an tartarea, an ammoniacalia, an muriatica, an saponaria, an alia lixiviosa alcalina, ac fixa, an volatilia &c.? Singulæ tales & hujus sortis, classis & valoris plures aliæ meditationes in Theoria medica concurrentes, nobis minimæ dignitatis, existimationis & utilitatis esse videntur: Quid communius est, quam ad propositam quæstionem, quænam ad rationalem medicinam requirantur, responsionem hanc obtinere, quod physica cognitio corporis, notitia principiorum materialium, mixtionis, structuræ, figuræ, proportionis, connexionis, læsionum corporis quoad partes fluidas & solidas, virium medicamentorum, modique medica-

men-

mentorū operandi efficiant rationalem medicinam: sed sane vitio nobis verti haud facile potest, si confiderenter & ingenuè de tali rationali medicina edisseramus, quod juxta hodiernum stilum bonum quidem theoreticum, sed malum Practicum efficiat, dum satis argute & acutè per varios tropos variasque figuras de diversis subjectis ad medicinam spectantibus sermo instituitur, qui an veritati & utilitati respondeat, alterius quæstionis & indagationis est: & qualis non unquam labor adhibitus fuit in illo argumento Theoriæ Medicæ, quo modo operentur medicamenta in corpus? quæ non dissentientes sententiæ de hac consideratione circumvolant? quot non curiosæ propositiones de hoc themate inculcari possunt? imo quam tenaciter theoria medico-physica in hanc animadversionem defixa & immersa est? ut non desint, qui in hoc puncto & argumento eximium fundamentum medicinæ & documentum eruditionis medicæ hæerere autumant! Licet vero talem disquisitionem minimorum classi annumeremus, tamen in mentem incidit illud quod *Rabbi Ben Azai* monet: *nullam rem unquam nihili facias, quantumvis tibi nullius ponderis esse videatur: cuique enim rei suus locus est & usus: & uti Bernhardus Lotharium Imperatorem monuit: in Epist. ad Lothar. verendum est, ne minimorum neglectus, impedimentum sit maximorum: dum vero præsentī loco, statu atque tempore nobis incumbit, quo Inaugurali quodam specimine medicum quoddam Thema explicemus, propterea selegimus de MEDICAMENTORUM MODO OPERANDI IN CORPORE VIVO differere: & cum ne minima quidem sine divino*

auxi-

8 DE MEDICAMENTORUM MODO OPERANDI

auxilio verè utilia esse possunt, propterea almam hanc
coelestem benedictionem humillime exoramus, quo co-
natus nostros ad salutarem scopum, effectum & even-
tum dirigat, comitetur & prosequatur.

§. I.



DE Medicamentorum efficacia medicamentosa
sivè modo operandi in corpore vivo nobis dis-
ferentibus mox in memoriam incidit, quæ
Hippocrates in Lib. de decenti Habitu propo-
nit, quando dicit: *neque enim fieri potest, ut*
omnia medicus enumeret, medicamenta autem tum eorum sim-
plices facultates, tum si quæ descriptæ sunt, probe tibi memo-
ria teneantur: in animi etiam notione reponantur, quæ ad
morborum curationem pertinent, eorumque modi, quot &
quemodo in singulis se habeant: hoc enim in re medica prin-
cipium, medium & finem obtinet: quo ipso effato prudens
Senex medicamentorum atque medicationum notitiam &
quemodo in singulis se habeant, cognitionem & attentio-
nem commendat; cum itaque cum medicamentorum usu,
etiam illorum effectus aut relatio, sive ut moderno stilo ex-
primi solet, actio in corpus vivum (nam mortuum oleo in
ungere velle, inanis labor esset) conjungi soleat, ita vide-
tur, quasi ad hanc animadversionem, quam sub manibus
nostris habemus, ipse assiduos medicos & rerum naturali-
um, scrutatores invitaverit: & in hoc ipso negotio lau-
datus senex prævisse videtur, quando in Lib. de Natura
Hominis illum modum, quo remedia in corpore humano ope-
rari solent, aliquo modo & secundum simplicem suam al-
legoriam describit §. 10. text. 6. §. 11. text. 1. seq. etenim phar-
macum ubi corpus intraverit, primum quidem ducit id, quod
ex omnibus in corpore existentibus sibi maxime secundum na-

turam familiare fuerit: deinde vero etiam alia trahit ac purgat: quemadmodum ex Terra nascentia & in ipsam plantata ac seminata, ubi in terram pervenerint, unum quodque trahit id, quod naturæ suæ familiare in terra existit: inest autem in terra & acidum & amarum & dulce & salsum & cujusque modi: primum itaque plurimum ejus trahit in se ipsum, quod sibi ipsi juxta naturam maxime familiare fuerit, deinde trahit etiam reliqua: hujusmodi sane quiddam etiam pharmaca in corpore faciunt &c. non minus Galenus uti in variis locis, ita in Commentar. I. in Lib. Hipp. de Nat. hum. §. 6. dicit: monstratum etiam fuit, quod medicamenta omnia agant calefaciendo, vel frigefaciendo, vel siccando, vel humectando: eæ vero sunt qualitates primæ effectrices & alteratrices corporum, sicuti in Lib. de elementis secundum Hippocratem ostendebamus: has vero sequuntur qualitates, quæ attinent ad sensum gustus, quarum nomina sunt, adstrictio, austeritas, acerbitas, amaritudo, falsedo, acredo, aciditas, dulcedo ac pinguitudo, &c. neque quidem similis labor aliis antiquis medicis incognitus, aut inusitatus fuit, sed illo loco maxime tractatus observatur, ubi de medicamentis horumque facultatibus mentio incidit, licet deinde secundum diversitates temporum, morum hominum, nationum, opinionum &c. diversæ etiam explicationes de hoc modo operandi & efficacia medicamentorum innotuerint, ut propterea hic respectus nullo fermè tempore oblitteratus sit, licet recentior ætas de hoc negotio longe subtilius & curiosius agere deprehendatur: eapropter vero arduum videri possit, ex tot opinionum cumulo sine veritatis jactura aut confusione emergere posse, cum vel antiqua & obsoleta placita assumenda sunt, vel recentiorum curiosæ & speciosæ tricæ præferri debent, ut propterea nodus in scirpo quærat, vel ex antiquorum & recentiorum opinionibus, junctim adhibitis, confusa mixtura & philosophia eclectica conficienda sit: inde habebit prudens indagator, ut sine maculatrium-

B

phum

phum canat & de simplicioris veritatis possessione gaudeat.

§. II.

Quod inscriptionem sive *titulum* præsentis tractationis attinet, tunc de eo impræsentiarum differere animus est, *quomodo* videlicet *medicamenta operentur*, ut *diversus effectus*, ad usus *medicos* necessarius, exinde desultet, aut *qua ratione & ordine* medicamentis *vis medicamentosa* adscribenda sit & quæ sit *relatio remedii* ad *effectum illum*, qui ad variorum *morborum curam* spectat; an nimirum hæc *vis medicamentorum* ipsis illis remediis sit *propria*, an ad effectus *medicamentosos corpus* aliquod *activè & effectivè* contribuat, an *utriusque & remedii & corporis mutuus concursus* satisfaciat, quo *medicus* talis effectus inde desultet: haud vero sine *singulari animadversione* de modo operandi medicamentorum *in corpore vivo* agere constituimus, quoniam magna *differentia* intercedit inter *modum operandi talium* subjectorum, quæ *medicamenta* vocantur, in corpore *exanimato*, vita destituto & nude *physico* trunco & in *corpore vivo*: siquidem jam ipsa plebs annotavit, quomodo *remedia post mortem* hominum *ad citiorem corruptionem* disponant, quomodo *repentinam & inconfuetam intumescientiam abdominis, mutationem coloris, flacciditatem & laxitatem membrorum, fluxum humorum adversi odoris & coloris ex ore &c.* causentur: sicut vero eximia *differentia* est inter *relationem* certarum causarum & substantiarum *physicarum* ad corpus humanum *mortuum & vivum*, ita in præsentis tractatione *principalis* illa erit disquisitio, *quomodo* medicamenta in *corpore vivo* operentur: neque reprehendenda est *Celsi* exclamatio in *Præfatione*, quando dicit: *nihil stultius est, quam quale quid vivo homine est, tale existimare esse moriente, imo jam mortuo*: ea propter etiam pessima *confusio* est, quando à corpore *mortuo* ad *vivum* argumentationes instituuntur: sed cum observatio

modi

modi operandi medicamentorum in corpore *mortuo*, neque *medicam* neque *realem physicam* utilitatem habeat, ea propter *sterilis* labor esset, *aliena* tractare velle, cum potius *efficacia* medicamentorum in corpore *vivo* communi *consensu* ad forum *medicum* referatur: neque tamen propterea hæc *nostra* observatio ut *superflua* declaranda est, quoniam medicamenta stant in *relatione* ad hominem *vivum*, sed ne hæc nostra enunciatio de efficacia medicamentorum in corpore *vivo* pro *sterili* & *inutili* æstimari debeat, placuit eo ipso insignem illam *confusionem* respectuum *physicorum* & *medicorum* evitare, imo insuper *differentiam* inter corpus humanum *physicum* sive *mixtum* & *vivum*, in quantum *medicis* respectibus magis accommodatum est, instituire: imo placuit eo ipso *præoccupare*, ne *præmatura* conclusio formetur, quasi omnia *physicis* effectibus nitantur & *relationem* suam habeant ad corpus, ut *nudum corpus*: inde secundum reliquam deductionem facile palam fiet, quantum inferat & referat nosse, quod corpus *vivum* & corpus *mixtum* atque structum non sit *unum idemque*: nam si substantiæ, quæ in corpore *vivo* *medicamenta* dicuntur, ad corpus humanum *mortuum* applicantur, velut nuda *materia* ad *simplicem materiam* pervenit & una *physica* qualitas, aliam *similem* qualitatem attingit, tunc longe *alii effectus* proveniunt, quam si certæ materiæ, cum certis *physicis* qualitatibus præditæ, ad corpus *animatum, vivum* atque *sentiens* applicantur.

§. III.

Utut vero hæc disquisitio de *modo operandi medicamentorum in corpore vivo* secundum *diversum* respectum institui potest, attamen haud injusta moveri etiam potest *questio*, quidnam *utilitatis* hæc notitia, quomodo nimirum medicamenta operentur, ad *Medicinam* afferat, siquidem ille *primarius* artis medicæ *scopus* est, quo *illarum* circumstantiarum veras, simplices & genuinas causas inquirat &

intelligat, quæ ad morbos *inferendos, conservandos & confirmandos* faciunt, quo iisdem convenienter *succurrere* queat: videtur enim hanc *vilissimam* esse animadversionem, quo modo videlicet *media & instrumenta* ad *effectus* necessarios producendos *cooperentur*: hæc enim *notitia non efficit medicum rationalem*: & sive hoc sive *alio modo* medicamentum operetur, suffecerit nosse *certum* aliquis *remedii effectum* & in quo gradu hic consistat: sicut enim *Conringius in Introd. in art. Med. cap. 1.* dixit: *utrum cor sit musculus, an cerebrum, hepar, renes, ex glandulis componantur, multaque hujusmodi quæ ad partium naturam & essentiam pertinent, non sunt scitu ad curationem necessaria, medico elegantiori tamen nota esse debent*; ita etiam de præsentī tractatione facile quisquam asseverare posset, *utrum medicamentum hac aut alia operetur ratione, quid hæc ad medicinam?* cum hæc rectius ad *physicam* aliquam *speculationem* quadrare possent: *prudens* enim artifex in quolibet officio *non de eo sollicitus est, ut exactè noscat, quomodo illius instrumenta operentur, sed quomodo rectè applicari debeant, quo salutaris exinde effectus impetretur*: hic vero *modus applicandi* non consistit, in *modo operandi*, quoniam ille, nimirum *modus prudentis & salutaris applicationis*, nititur vera cognitione *causæ morbi*, ut propterea abunde suffecerit cognitio *effectuum*, quos medicamenta exferere solent: Ast huic oblocutioni mirum in modum adversantur illi, qui minutias *physicas* aliis *solidioribus* considerationibus præferre sciunt, qui pro *fundamento* ponunt, quod indagatio *principiorum corporum, eorumque virium, modique operandi* eò præcipuam *utilitatem* afferat, quo certis *causis & principiis materialibus morbificis, horumque efficacis & certo operandi modo* alia *congrua* adminicula opponi possent: v. g. si subjecta ob *tenuitatem & mobilitatem suam crassiores* sub-

stan-

stantias aggrediuntur in easdem se *insinuant*, illas in *motum* rapiunt, adeoque distrahunt & *divellunt*, eapropter ob hanc cognitionem *modi operandi* talia subiecta & facilius & confidentius in *obstructionibus*, *infarctibus*, humorum *spissitudine* &c. adhiberi possent &c. sed hæc argumentatio nimium quantum *limitata* & restricta esse deprehenditur, quando attenta & provida experientia medica conciliatur: unde ob *physicam* talem dijudicationem, præsens tractatio *æstimanda* haud est, cum *subtilis* illa disquisitio & *speculativa* applicatio ad corpus *vivum* & artem *exacte medicam*, ut plurimum *fallax*, dubia, inutilis & sterilis esse deprehendatur: neque etiam parum detrimenti *Theoriæ*, imprimis *medicæ*, affert, quando circa hanc operationem medicamentorum tot *dissentientes* opiniones circumvolant, quæ potius animum *confundunt* & à veritate detinent atque distrahunt: quapropter etiam maxima *cautela* necessaria est, ne tam *subtilibus* contemplationibus animus nimium inhæreat: quo *subtilius* enim de tali circumstantia *medicus* meditatur, eo *crassius veritatem* obscurat atque offendit.

§. IV.

Sed ne præsentem considerationem plane rejiciamus, neve nos *ipsimet* videamur in hisce *minutiis* hæreret & operam ac tempus perdere, eapropter *aliquot utilitates*, ex hac tractatione profluentes, annotabimus: & ita 1) non parum hæc disquisitio contribuit ad illustrandam & confirmandam *differentiam* inter corpus humanum *vivum* & *mixtum*, dum ex *effectibus* & *modo operandi* medicamentorum elucescit, an medicamenta *simplicem physicam* relationem habeant ad corpus, an vero *motus* quidam *altioris* influxus atque *regiminis* cum iisdem congregiantur & ad *vitalem* statum magis pertineant, quam ad nudas affectiones *corporis*: 2) juvat hæc consideratio ad meliorem illustrationem *œconomiae motuum vitalium*, quo horum efficacia in as-

sumendis, dirigendis & applicandis remediis magis inclarescat & quo eo ipso magis illucescat, quid à *motibus*, aut quid à *materiis* proveniat, ne in hac theoretica consideratione gravis quædam *confusio* suboriatur, qualis vulgo tam in *physicis*, quam *medicis* contemplationibus circa *diversitatem motus & materiæ* occurrit: 3) & quanquam *sibi relicta* hæc tractatio practica, usum *vere & stricte medicum* parum adjuvet, tamen in *conciliatione*, collatione & subordinatione aliarum *circumstantiarum* aliorumque *respectuum*, non parum ad *Theoriæ medicæ* confirmationem, *emendationem*, augmentationem & *veritatem* contribuit: imprimis vero 4) *certitudinem & evidentiam* doctrinæ de *natura* promovet, magisque evincit, quod in corpore nostro non *simplices materiæ* facultates dominantur, sed quod *nobilius & rationale* plane principium motuum *vitalium ordines* & differentes *applicationes* inveniat, exercent & dirigat: frustra enim esset, de corpore humano, ut *nuda materia* prædicare velle, quod *stimulari, vellicari, irritari* possit, siquidem hæc philosophia sano sensui repugnaret, quando *corpori* illa facultas adscriberetur, quod *inductas* rationes *percipere* & secundum illam perceptionem motus *variare & rite applicare* queat: 5) eò etiam hæc tractatio inservit, quo illam *veritatem* magis inculcet & *confirmet*, quod in corpore nostro *subtilis* atque efficax *sensus* succedat, qui ad *boni & mali, utilis & inutilis tractationem & directionem* requiritur: 6) nec non ulterius eò inservit, quo notitia de *personali* hominum *sensibilitate* magis inclarescat, utpote *cum tali* sensibilitate *medicamenta* horumque *modus operandi* eximium *commercium* habet: 7) subinde etiam inculcat, quam parum artifex *nudis* remediorum *elogiis & præscriptis formulis* atque *dosibus* *fidere* debeat, cum non sufficiat, nosse, quomodo hoc, aut alio modo, hoc vel illud *remedium* operetur, sed quomodo hæc notitia eo *applicari* debeat, an etiam hoc vel illud *subjectum* atque *temperamen-*

tum, hic vel ille *sexus*, hæc vel illa *ætas* &c. hunc aut ali-
 um modum operandi perferre queat: 8) insuper etiam
certiorat artificem hæc consideratio, quam longe major
 dignitas & utilitas hæreat in respectu illo, quod ad *æcono-*
miam vitalem gubernandam & securè adjuvandam longe
 plus *motuum vitalium* efficacia, quam *materiarum qualita-*
tes conferant, siquidem ut plurimum *remediorum capaci-*
tas ad *salutarium* finium conciliationem parum conferret,
 ni *primariò motus vitales* concurrerent: 9) interdum et-
 iam hæc notitia *enodat* & explicat causarum *lædentium* vim
 & *efficaciam*, ut eo ipso è certiori *fundamento* artifex illarum
 causarum *moderationi* & *expugnationi* operam dare posset,
 v.g. quando ex experimentis *physico-chymicis* constat, quod
terrea corpora *corrosivorum* humorum *causticitatem* tem-
 perent, quod *acida pingua* & gelatinosa subjecta coagu-
 lent & inspissent, dum cum *mucida* illarum parte *coalescunt*,
 harumque liberam *fluiditatem* impediunt, &c. tunc ex e-
 jusmodi veritatibus varias *specialissimas* conclusiones pra-
 cticas formare potest artifex, quænam *optima* sint reme-
 dia in *dyscrasia* humorum *salina*, *biliosa*, *acescente*, *acri*,
caustica, &c. quænam conferant in nimia humorum *tenu-*
itate &c. 10) & hoc ipso etiam respectu, aliquid utilitatis
 hæc notitia ad *nexum Theoriæ* cum *praxi* confert, dum *cau-*
sas morbificas detegere & super hoc fundamentum reli-
 quam *Therapiam* in variis occasionibus *struere* adjuvat:
 11) & cum *minorum* circumstantiarum cognitio ad *maiores*
 veritates aditum pandit, ita pro ornamento ad *minimum*
 medici spectat, quo harum rerum causas reddere possit:
 rectè enim *Celsus* in *præfatione* dixit: *Contemplatio naturæ*
rerum, quamvis non faciat medicum, aptiorem tamen medici-
næ reddit. 12) denique hæc notitia ad *circumspectiorem* i-
 psum *remediorum usum* artificem allicit & instruit, dum
 cum talibus medicamentis, quæ per modum *stimulationis*
 & fortioris *impulsivæ* commotionis operantur, *cautius*
 pro-

procedere discunt, neque plebejis illis dictariis auf einen harten Klotz, gehört ein harter Keil; viel hilft viel, &c. assensum præbent.

§. V.

Dum vero de *vulgari illa tractatione modi operandi medicamentorum generale* quoddam iudicium ferre volumus, minime reticere possumus, quod illa consideratio ad *physicum magis*, quam *medicum* scopum spectet, dum *primo* explorantur *principia* remediorum constitutiva, quæ sub multis difficultatibus, *ambiguitatibus* & oblocutionibus demum nominantur: *deinde* horum principiorum *qualitates* inquiruntur, quæ perinde etiam interdum satis *æquivocæ* sunt, dum quoad *specialissimos* effectus & *individuales* circumstantias discrepant; *porro* supponuntur communiter *certa asserta* de corpore humano, cui remedia illa, horumque qualitates applicantur & quidem satis sæpe *alia*, quæ corpori non *propria*, sed *imputata* sunt & *qualitatibus* medicamentorum *physicis* consona, v. g. nunc *supponuntur* remedia afficere & certa quadam specie certoque gradu efficaciam partes *irritare*, hinc affluere *spiritus* aut succum nerveum, inde hunc aut alium effectum pendere; nunc accusatur *genus nervosum*, quod à remediorum *salibus* diversimode *vellicari* dicitur, indeque nescias quam prompte effectus quidam derivatur: alibi vero certi *salium* & *saporum* diversi *congressus* accusantur & ex iisdem variæ *fermentationes*, *effervescentiæ* & *stimulationes* necessitantur, inde denique confuso plane modo *medicamentosi* effectus excogitantur, in quali conatu vero multiplices peralogismi occurrunt, qui plurima illa requisita concernunt, quæ ad rationem corporis ut *vivi*, non vero *nude physici* pertinent: *denique* etiam ex illis remediorum *principiis*, horum *qualitatibus*, certisque corporis *proprietatibus* applicatio remediorum ad corpus instituitur, indeque meri effectus *physici* excogitantur & declamantur, ut adeo propter has

considerationes non sine prægnanti causa & satis solido fundamento *communem* hanc rationem tractandi & explicandi *modum* remediorum operandi ad *physicam* magis quam *medicam* sphaeram retulerimus: neque in eo ab hisce *physicis* contemplationibus liberos deprehendimus *antiquissimos* theoreticos, qui ex una parte *medicamentis* certas qualitates *genericas* physicas adsignant & diversos *gradus* harum qualitatum sive *caloris*, sive *frigoris*, sive *humiditatis*, sive *siccitatis* significant; ex altera vero parte diversis *corporis* partibus similes discrepantes *qualitates physicas* imputant, neque tantum *simplices* tales facultates, sed & certas illarum *intemperies*, ut propterea hoc vel aliud remedium in tali vel alio casu prodesse dicatur, quia vel calidi vel frigidi temperamenti esse traditur: quæ obsoleta & æruginosa sententia, quantum veritati respondeat, ipsa attenta illius perlustratio testabitur: post hæc theoremata, ad modum operandi medicamentorum applicata, innotuerunt alia, sed perinde *nude physica*, quæ in *physicorum* & *chymicorum* schola nata & educata sunt, quæ circa *diversitatem salium* versantur, inde varii diversorum salium *conflictus*, *effervescentiæ*, *fermentationes*, *exaltationes*, *precipitationes*, *ligationes*, *fixationes*, excogitatae & ad effectus remediorum applicatae, sed sane parili adversa fortuna, quoniam talis theoria *ut plurimum* in nudis *allegoriis* consistebat: & licet *minimè* negemus, quod remedia ex diversa *salium* specie constent, tamen hæc *nuda* salia minime in exponendo *modo omne* punctum absolvent, quamvis *physicæ* illorum efficaciam passim *aliquid* debeatur: *recentissimæ* denique sententiæ circa modum remediorum operandi æque *mere physica* communiter tractant & præter principia medicamentorum *materialia* & vulgo pro *activis* habita, simul certam *corporis* dispositionem & *relationem*, sed sane valde *intricatam* & *obscuram*, supponunt & licet vi illius opinionis quidem asseratur, quod hæc aut illa re-

media ob suppositam talem relationem talem aut alium gradum motus excitent, tamen ejusmodi *demonstratio* adhuc valde *obscura* & mutila est, ut propterea hisce tenebris facem addere conveniat, quoniam *directio* effectus remedi, in *ventriculo* adhuc latitantis, ad *remota* loca & *diffinitas* regiones, non *nude physicis* causis nititur.

§. VI.

Antequam vero ad specialiores præsentis thematis explicationem progrediamur, placet antea *fundamentales* quasdam considerationes & *demonstrationes* præmittere, quæ ad reliquam deductionem applicandæ erunt: primo memori mente tenendum est, quod ad diversarum *adventitiarum* *materiarum* & causarum, tam *utilium*, quam *inutilium* justam applicationem & *tractationem* *altius directorem* requiratur, neque *nuda corporis* dispositio aut ulla *simplior materialis* affectio *satisfaciat*: propterea etiam *medicamentorum* plurimorum *applicatio* ad *salutarem* effectum & scopum, neque ab ipsa remediorum *physica* efficacia, neque à *corporis* capacitate & receptivitate pendet, quare *naturam*, tanquam ens singulare, neque cum *corpore* hujusque qualitate *confundendum*, ut *principalem* causam producimus, quæ remediorum *physicam* efficaciam ita disponit & *applicat*, quo *salutares* abhinc effectus proveniant: hæc enim & *ratione* & *sensu* prædita natura oblata *remedia percipit*, quoniam cum peculiari *sensu* œconomiae *vitali* invigilat, quam animadversionem latius explicavit D. D. Præses *Disp. de Sensu vitali*; deinde *secundum* horum remediorum *efficaciam* *motus vitales* instruit, quo *convenientes* effectus producant: quis enim ita credulus fuerit, ut sibi persuadeat, quod *adstringentium* remediorum *intrinsecus* assumptorum effectus *physicus* sese extendat in *extremities* corporis: aut quod *diaphoretica* ob nudam *commotionem*, quam *sanguini* conciliant, intensius *orgasticam*, sudorem expellant; quamvis *simplex* illa *commotio* sudorem

dorem non absolvat, dum sudores interdum *sine tali commotione* procedunt & *commotiones* tales aliquando *sine* subsequente *sudore* contingunt: quapropter brevibus adhuc inculcamus, quod *ars medica* cum tota sua penu & *suppellectile* admodum *infirmum* fuerit, si *naturæ synergia* deficeret, & quod remedia *plurima*, licet *duplicato* robore polleant, longe *minimum* ad *conservandum* corpus valeant, ni *natura* hæc remedia ad *salutares* effectus *applicet*: multo minus vero dignissima hæc consideratio negligenda aut seponenda est, quod plurimos illos effectus, qui *physicæ* remedium efficaciam adscribantur, vel *sola natura* sua *sponte* in corpore suo administrare queat, dum diversas *evacuationum* & *alterationum* species administrat, licet eapropter illa *natura non absolute* omni *arte* carere possit, sed in *quibusdam* casibus *sine artis concursu* nihil valeat, qui tamen casus cum reliquis medicis effectibus confundendi haud sunt, alias falsitas argumentationis à *particulari* ad *universale* facile liqueret: quemadmodum vicissim *præmatura* & *præcipitata* esset conclusio: si *natura sponte* interdum *evacuare* & *alterare* potest, eapropter *artis auxilio* opus non haberet & ipsa *sibi sola* sufficeret, aut propterea *ars medica* esset *superflua* & nullus homo vitam amittere deberet: sed cum hæc oblocutio satis solide ab *Illustri Stablio* in *Disp. de Necessitate artis Medicæ, & de Potestate artis Medicæ* ventilata & infirmata fuerit, non necesse esse judicamus, quod rem actam tractemus: illud brevibus tantum inculcamus, quod licet tales operationes *natura* committere possit, tamen propterea easdem *non semper* administrare soleat, adeoque *manuductione*, *excitatione* & *invitatione* indigeat, sicut in *moralibus similis ordo* quotidie occurrere, adeoque præsentem *vitalium* motuum directionem *illustrare* solet.

§. VII.

Licet vero adeo necessarius sit *naturæ concursus* ad remedia oblata, tamen *hiscæ* etiam relinquenda est *sua efficacia*

cia, qua corpus afficiunt: hic ipse vero effectus medicamentorum in corpus persæpe vanus & inanis esset, ni natura eundem perciperet aut sentiret: in tantum itaque remedia afficiunt naturam, in quantum hæc per corpus sentit & contactum medicamentorum observat & advertit; quapropter omnino remedia materialia commercium habent cum natura immateriali: medium connexionis inter naturam & remedium est sensus, quo cum natura in corpore suo excubias agit & objecta quæ corpori accidunt, percipit: Deinde etiam medicamentorum physica efficacia paulo curatius est attendenda, velenim quædam remedia humorum intestinam commotionem adjuvant, cum qua deinde intensior pulsus & progressus humorum conjungitur; quædam remedia sub augmento hujus intestinæ commotionis, insuper humores intimius attenuare & resolvere adjuvant: alia vero vicissim humores gelatinosos, lymphaticos & mucilaginosos inspissant & nimiam subtilitatem & fluiditatem sanguinis emendant atque coagulant: quædam operantur in partes solidas, dum hæc nunc molestè stimulant & offendunt, adeoque excretorium effectum post se relinquunt, quædam partes leniunt, emolliunt & demulcent, aut molestos atque præternaturales ardores temperant & mitigant; quædam partes ita afficiunt, quo lenis strictura aut interdum validior constrictio iisdem inducatur: alia vero partes relaxant & elubricant: quædam cum humoribus acribus, salinis, sulphureis, acescentibus, biliosis congregiuntur & commiscuntur, eorundemque acredinem temperant: nonnulla remedia salinis suis principiis humores spissos & materias mucidas, viscidas incidunt, colliquant, abstergunt & attenuant, aut alia remedia cum tenui sua mucilagine alias materias involvunt & mobiles atque volubiles reddunt: quædam medicamenta partes adeo irritant, ut ad illas humores copiosius affluant & ardores, rubores & vesicarum collectiones post se trahant: quædam remedia non modo in partes fluidas perversam intestinam commotionem inferunt sed & solidas

das partes ægre afficiunt, ut propter illorum præsentiam & sensus & reliquus naturalis vigor in torporem, fastidium averfionem & fomnolentiam tranfeat: nonnulla remedia, quæ necessarias & salutare excretionem facilitant, aut quæ sensationi accepta sunt, vigoris & virium restorationem post se trahunt, uti talia subjecta, quæ salutaribus effectibus ad vitam & sanitatem spectantibus repugnant vires opprimunt & destruunt: & sicuti partes corporis solidi diversæ texture & structuræ sunt, imo discrepantis usus, nobilitatis & utilitatis, ut & diversus gradus sensationis in iisdem adest, ita varia remedia peculiarem relationem ad illas habent, unde acida pectori paulo plus quam alteri parti sunt infensa, & amara paulo magis ventriculo & intestinis sunt amica; sic mercurialia & opiata nervis sunt inimica &c. quibus fundamentalibus denique respectibus & considerationibus addimus hanc animadversionem, quod etiam materiæ inter se invicem habeant diversam relationem, ut una alteri facilius combinari possit: id quod etiam observatur in medicamentorum operatione, dum unum remedium facilius in hunc, aliud in alterum humorem operatur, aut unum remedium citius ventriculum, aliud intestina crassa, quoddam mesenterium, nonnullum pulmones, aliud renes facilius alterat: inde innotuerunt, bechica, diuretica, stomachica, splenetica &c. licet æque haud cum illis consentiamus, qui absolutam certitudinem in singulis talibus remediis inquirunt: quid quod in illa denique circumstantia bono iudicio opus est, ne indiscretim omnibus remediis tam miras physicas efficacias imputemus, cum potius vel leviter attempta observatio indicet, quam valide remedia alterentur, quando per tot partes & ipsum humorum latifundium vehuntur: quare frustra quisquam crediderit, quod adstringentia remedia, quorum aliquando pauca grana exhibentur, quæ nimium quantum per corpus disperguntur, immediate in partes exteriores sive remotiores operentur & in Narium hæmorrhagias, mensium excessum, mictum

cruentum, hæmoptysin, Hæmorrhoides excedentes, adstrictoriam suam vim transferant; quare illud asseveramus, quod non æque *absolute semper* necesse sit, quo remedia oblata *ad illum locum* pertingant in quo effectus ille *medicamentosus* observatur: subministramus enim hoc *problema*: si *decem* grana croci martis aut Terræ de Catechu &c. *Mensium* excessum cohibent, hæc vero non modo *per tot partes* circumvehuntur, sed & *per totam massam sanguineam* disperguntur, *quantum* quæso de hisce *decem* granis *ad uterum* pertingit? & num illud, quod *ad uterum* in tam *minima* quantitate pervenit, *ad talem effectum adstrictorium* satisfaciat? & cur non *similis* adstrictio in *aliis partibus*, quas hoc *medicamentum* transfluit, contingit? cur non in *ventriculo* ubi *singula decem* grana hujus remedii collecta sunt, non *decuplum* effectum *adstrictorium* exserunt? quibus ipsis considerationibus viam pandimus *judicandi & concludendi*, an remedia *nude physica* ratione operentur & an necesse sit, quo semper *medicamenta immediate* ad *illam partem* penetrent, in qua *effectus medicamentosus* succedit.

§. VIII.

Sed ne diutius in generalioribus hisce prælusionibus hæreamus, nunc præsentem tractationem per *specialiores* observationes perlustrabimus & illustrabimus: distinguimus remedia in *Evacuantia & Alterantia*: propterea placet *diversas species utriusque* remediorum classis percurrere & & primo quidem *Evacuantium* mentionem injicere: & ita ordine primo disquisitioni nostræ sese offerunt **VOMITORIA**, quæ nunc per *crassum*, nunc per *subtile salerodens* atque *septicum prompto & accelerato effectum* operantur & ita *ventriculum* eximiè *stimulant*, tanto magis vero in *illis regionibus*, ubi ob *nervosam constitutionem sensibilibior* est: quoniam itaque hæc *arrosio naturam* valde *moleste* afficit, ita hæc nullum *rationabilis* consilium capessere potest, nisi *prompte* atque cito hoc *subjectum* ex *illa parte*,
quam

quam affligit, excutiat, adeoque se ab eodem liberet: est itaque vomitum ciens remedium, subjectum quoddam sensui naturæ in ventriculo perquam adversum, quod propterea in corpore tolerari non debet: hic enim mos est naturæ, ut, si aliquid adversum in ventriculo gestat, vel idealiter præsumit, illud vomibundo actu prosequatur; quale luculentum exemplar occurrit in nausea, ubi interdum cum pertinaci aversione ingestum quoddam subjectum ejicitur: quoniam vero positivum emeticum remedium constanter irritat & ventriculo vexas dat, propterea nulla commodiori & compendiosiori via natura sese ab hoc molesto subjecto liberare potest, nisi per illum breviorum tractum tale remedium strenuè & potenter evacuet, per quem illud ingestum fuerat, ita brevi methodo ab hac molestia & irritatione sese liberat, ac pro hoc scopo ita apposite & convenienter motum ventriculi exercet, quo sursum objectum illud elidatur, uti alias in ordinario statu peristalsin ad catotericam excretionem applicat: quis vero jam adeo credulus fuerit, quo simplici efficacix physice hujus remedii tam congruum effectum adscribat? quid remedium ventriculum stimulare posset, ni in hac parte sensus exerceatur? quid irritatio hæc tantum valeat, quo peristalsis augeatur & non amittatur? quid porro efficiat illa vellicatio, quo excretio superveniat & illud augmentum peristalseos aut spasmus ille non in pertinaci ventriculi constrictione persistat? quid medicamentum per se contribuat ad convenientem hanc anotericam evacuationem? quis non agnoscat, quod comica & fabulosa illa sit assertio, quasi remedium emeticum vellicet nervos stomachi, per quos Spiritus affluant, qui ventriculum invertant & remedium ingestum unà extrudant? quis non confiteatur, quod nudus spasmus hunc singularem actum excretorium non absolvat, siquidem spasmodum eadem est relatio & efficacia ad obstructions & retentiones cau-
 sandas ac ad evacuationes perficiendas? unde spasmi illi
 adhuc

adhuc *peculiari* indigebunt *directorio*, quo ad *excretionem* administrandam satisfaciant! quis vero etiam non confiteatur, quod *nostra* demonstratio non modo *evidens*, sed & cum *quotidianis* exemplis actionum *humanarum* illustrata sit: ita enim evenit, ut, si quisquam *adversum* subjectum intra *ventriculum* ingesserit, quod, licet non *æque* genus nervosum *vellicet* & stimulet, tamen *æstimationi* *individuali* *adversum* est; *rationabiliter* tunc agat natura, si *tempestivè* tale subjectum iterum è ventriculo *eliminaverit*! inde etiam fit, ut si *medicamenta* *alterius* plane operationis & effectus medici cum *nausea* & *aversione* ingesta fuerint, eadem mox iterum *revomantur*: quem latet ille *singularis casus*, quomodo subjectum quoddam, quod *olim* *gratum* & acceptum fuerat, si cum *adverso* remedio tanquam *vehiculum* offertur, *imposterum* animus cum *contumaci* tali *aversione* prosequatur, ut, si illud alia occasione *sub dieta* denuo offertur, ipsum *imposterum* natura tam *immoderata* *aversione* prosequatur & cum *vomitu* rejiciat, de quo casu dicunt: es sey einem etwas zu wieder oder eckelhaft gemacht worden.

§. IX.

Eo ipso vero demonstramus, quod vomitus non à *medicamentis*, sed à *natura* perficiatur & quod *remedia* naturam *excitent*, quo *hæc evacuatio* celebretur, siquidem quædam subjecta vel *positivè* noxia & inimica sunt, alia vero *molesta* & *quantitate* sua *aliena*, alia denique *adversa* & *tædiosa*, quæ natura è *ventriculo* expellere solet: irritum itaque conamen esset vel unquam *emetica* talem evacuationem provocare velle, ubi *neque noxia*, *neque molesta* neque *adversa* materia in *ventriculo* hæret; neque etiam consultum esset ad *vomitum naturam* irritare velle, vel *nimis* *stimulantem* & *inimicam* causam offerendo, vel *ventriculum* *aggravando*, vel etiam ad *nimum fastidium* naturam commovendo & adigendo; quod vero hanc *ultimam* circumstan-

tiana

tiam attinet, nimirum quomodo per modum alicujus *fastidii mediocris* vomitus excitari possit, tunc constat quomodo *largior ingestio oleosorum, pinguium* subjectorum, imprimis in subjectis *sensibilibus & evemetis*, satis *promptum* atque *efficacem Vomitum* conciliet: & hujus effectus *medici parallelum* effectum in reliqua *communi* vita observamus, quomodo varii homines ob *liberaliorem* ingestionem *pinguium* substantiarum *nauseam* aliquam concipiant, indeque ad *vomitum* actuale concitentur, quale quid tanto citius cum *pinguedinibus* facile *coagulantibus & sebaceam consistentiam* assumentibus contingere solet: & cui non homini vel leviter *delicato adversum* fuerit, si oleosa *rancida* quædam sensatio fauces molestat, de quo adverso gustu vulgo dicunt: es steige einen so fetticht und dampfficht aus den Magen, wie alt Fett: inde varii ad vomitum concitantur: & hac eadem ratione nititur, quo modo *oleosa* ingesta in discretis, *subjectis, temperamentis, ætatibus, sexu, vomitum* provocare valeant, ni propter *adversum* saporem denuo rejiciatur, quod ingestum fuerat: neque etiam defunt quædam subjecta, quæ ob *valde nauseosum & simul sapidum* effectum, *vomitum* excitant, cujus indolis *venerea* remedia existunt, unde *croci venerei* vomitum satis *potentem copiosum & anxium* concitare solent, siquidem pleraque ex *cupro* parata remedia *valde adversum* saporem inferunt, ea propter etiam naturam offendunt & incitant, quo in *removendis* talibus subjectis *venereis* denuo *omnem* vim adhibeat: & hoc eodem etiam fundamento nititur, cur *Tartarus vitriolatus*, minus congrue præparatus, *cardialgias, vertigines, vomitus &c.* provocet, quod minimè de hoc remedio *ritè parato* valet; unde commixta ramenta *cuprea* in hoc tartaro vitriolato, *insufficienter* cum sale *alcali saturato*, effectum illum *emeticum* causantur; non alia causandi ratione, nisi *intimior* talem *nauseam* excitent, cujus confectarium deinde *anxius* ille vomitus existit: quo

magis vero subiecta quædam *corrosiva* sunt, ut *arsenicalia*, *mercurialia* cum *larga* quantitate *salium acidorum* mixta, & similia eo *certius*, *citius* & *fortius* vomitus provocari observantur: & hæc eadem demonstratio proximo nexu quadrat ad vomitus *spontaneos*, qui ob *eundem finem* exercentur, cum in nullius materiæ *sola potestate* sit, quo *vomitum ex* & *per se* absolvat, sed semper *naturæ* destinatio omne punctum absolvat, dum per vomitum alicujus vel *noxii* vel *molesti* vel *adversi* objecti *remotio* urgetur & licet *non semper* objectum *materiale* existat, tamen *immaterialia* & *idealialia* etiam objecta indies *nauseam* & *vomitum* concitare solent: quidquod aliquando vomitus adhuc *continuant*, quando *materialis* causa *irritans remota* fuit: ut per tot documenta facile liqueat, quomodo vomitus neque *à medicamentis*, neque *à corpore* primario pendeat, sed *naturæ* potestati unice adscribendus sit: quod vero aliquando vomitoria *differentes* exserant effectus, ratione *citioris* & *fortioris* successus, illud *differenti sensibilitati* subiectorum adscribendum est: neque illa *oblocutio* alicujus momenti existit, quasi *stimulatio* ab *emeticeis* remediis *ventriculo* inducta non tam *crassa* & manifesta sit, ac quidem aliæ irritationes occurrere solent, cum in *intimioribus* visceribus partim *sensatio alios gradus* habeat, partim ob *nobilitatem* partium etiam *levior offensio majores* effectus post se trahat, ac *irritatio externo corpori* & *ignobilioribus* partibus illata, causari solet.

§. X.

Proximum est, ut *PURGANTIUM modum operandi* nunc describamus & quam *diversus* horum *effectus* sit significemus; priusquam vero *ordinarium modum* indicemus, quo purgantia *operari* solent, necesse est, quo *fundamenti loco triplicem* notatu dignam circumstantiam inculcemus; *primo* quod *tacite* & *sponte* natura *potentes impetuosas* & *efficaces*, dejectiones *alvinas*, perficere valeat, sole-

soleatque & quidem interdum *statis & exquisitis* anni *Periodis*, testimonio *Diarrhæarum annuarum*; quippe qui actus *soli naturæ* activitati & *directorio* subjacet: unde concludimus, quod *natura* & prompte & efficaciter corpus suum *per alvum* purgare & evacuare possit atque soleat: *secundo* hic ipse actus *extraordinarius* eo *citioribus* alterationibus subjectus est, ut nunc *facilius cohibeatur*, nunc vero *citius augeatur*, quo *majori sensibilitate* prædita sunt individua; ut itaque hæc *peculiaris naturæ* qualitas, quæ quoad *formalem* suam rationem à *physicis* proprietatibus *aliena* est, in præsentis excretionis specie multum valeat: accedit *tertio*, quomodo varia subjecta *adverso* stomacho ingesta, etiamsi aliquando *notabili stimulo libera* fuerint, tamen cum *strenuo* peristalseos augmento et *colico* nonnunquam *apparatu* per *alvum* iterum *rejiciantur*: & cum hisce quidem circumstantiis, nunc indico, quomodo *alvi* depositio non modo in *ordinario*, sed & in *extraordinario* statu sub *naturæ potestate* sit, imo quomodo secundum *differentem activitatem naturæ*, aut *materiæ evacuandæ mobilitatem & æstimationem* actum talem *excretorium* eadem *natura intendere & augere* possit: exinde porro concludimus, quod *remedia* qualiacunque fuerint purgantia, *per se* alvum non purgent neque corpus ita irritent, quo *per hujus efficaciam* evacuatio fiat, sed quod iterum *primario natura* illud principium sit, quod Purgationem exequitur: etenim remedia purgantia illius *materialis aptitudinis* sunt, ut cum *salino* suo principio facilius & efficacius *teneriorem* intestinorum texturam, afficiant, neque tam *acriter* ventriculum irritent, quare *tamdiu* in corpore tolerantur, donec *sensibilius intestina* stimulent, e quibus denique *catoterica* commotione & promotione evacuantur: dantur vero etiam purgantia remedia, quæ *acrius* operantur & unà *vertriculum* valde irritant, ut sunt *Falappa*, *Scammonium*, *Colocynthis* &c. quapropter *talia remedia natura* interdum

sursum & deorsum expellit, quo eo *citius* à tali *adverso* sub-
 jecto se *liberet*: aliquando vero quædam subjecta ita *sen-*
sibilia sunt, ut purgantium remedium efficaciam *citius*
percipiant & *ægrius* ferant, unde illa *citiori* actu & *sursum* &
deorsum dejectiuntur, ne ulterius *subtilem* illam *sensationem*
 offendant: haud enim *principalis* ratio in *genere nervoso*
 inquirenda est, de quo minime absolutè asseverari potest,
 quod in uno subjecto *materialiter tenerius*, propterea que
sensibilis sit, cum in diversis subjectis singulares partes tamē
 discrepent & *robustior* nervus *æque sensibilis* esse possit, ac
tenerior, ita ut *materialis* partium *subtilitas* & *teneritudo*
formam majoris *sensibilitatis* minimè absolvat: hinc sæpe
 in *communi* hominum cohorte subjecta quoad corporis
 qualitates *robusta* & *procera* occurrant, quæ tamen *valde*
delicata & *debilia* sunt, & vicissim observantur *corpore te-*
nera, quæ multum perferre possunt.

§. XI.

Quod itaque purgantia *unius ejusdemque speciei* in
diversis subjectis modo *leniores*, modo *fortiores* effectus e-
 dant, *principalius differenti sensibilitati personali* adscriben-
 dum est; deinde non parum ad *citiores* & *efficaciores* pur-
 gantium operationem contribuit, si *materia* excernenda
mobilis & tractabilis est, nec non si nunc aliquo modo sua
sponte natura ad *evacuationem* illam *inclinat*: hinc purgantia
decrecente luna exhibita longe *facilius* & *copiosius* operan-
 tur, quam *crescente* luna oblata, id quod tanto magis in
sensibilibus subjectis evenit, quæ ab *externarum* causarum
accessu *facilius* alterantur: in quo passu vero iterum non
primario harum *externarum* causarum *efficacia* accusanda
 est, cum potius *natura* per *discretam* suam *sensibilitatem* se-
 cundum harum causarum oblationem *motus* suos *variare*
 soleat: interim etiam remedia habent aliquam *discrepan-*
tem physicam efficaciam in *materias diversas*, quas in cor-
 pore suo offendunt: quapropter jam *antiquitus* recepta &

in assidua *observatione* confirmata illa *differentia* innotuit inter *phlegmagoga*, *melanagoga*, *cholagoga* & *hydragoga* remedia: quas itaque *materias* purgantia remedia, præter *irritationem* nunc majorem nunc minorem, quam intestinis inferunt, afficiunt, illas *natura* cum reliquo *purgantium* remedium nexu ex *intestinis* evacuat, posteaquam pro *facilitanda* hac evacuatione, prout circumstantiæ requirunt, jam plus jam minus *humidæ* materiæ affusum fuit: & si contingit, ut purgantia quædam *resinosa* tenacius plicis & tunicis intestinorum adhæreant, tunc pro *efficaciori* illorum *abstersione* non modo *motus peristalticus* augetur, ut *terminosi* exinde oriantur cruciatus, sed & *copiosior humiditas* affunditur, quo *moleculæ* illæ *resinosæ* firmitus adherentes citius *eluantur* & *abluantur*, qualis motuum ita *adequata directio* & applicatio, minime vel *purganti remedio* vel *corporis dispositioni* adscribi potest: neque etiam illa circumstantia in præsentī consideratione oblivioni tradenda est, quomodo *quædam remedia* in *diversis* casibus effectum *catharticum* sine aliquo *actuali stimulo* causentur, sed per nudam *materiæ*, in cujus *excretionem natura* consentit & inclinatur, *præparationem*; quare in affectibus *cholericis* oblata *terrea* remedia interdum impetuofam *biliosam* dejectionem post se trahunt: quale quid etiam contingit in *diarrhæis* difficilius succedentibus, aut *colica contumaci*, in quibus affectibus *positiva* purgantia *inique* operantur; *præparantia* vero remedia sine ullo *stimulo* evacuationem faciunt: ut ita iterum manifestum fiat, quid *natura* operetur & quid *remedia* efficiant: Et ita etiam quædam purgantia remedia operantur, non modo *stimulando* vias, sed etiam *colliquando* & *resolvendo* tales humores, quales alias ex *intestinis* evacuari solent: inde etiam evenit, ut *hujus conditionis* purgantia *efficacius* & *potentius* operentur, dum *natura* ad hunc actum excretorium non modo *irritatur* & provocatur, sed & in illo actu suscipiendo materiam satis *aptam*,

mobilem & preparatam offendit: hinc dantur talia *experimenta*, ubi ex nuda humorum *preparatione* purgationis successus consequitur: quis quæso sibi persuadebit, quod *purgantia* remedia *in venam infusa intestina stimulare* debeant; cum rectius *facilius demonstrari* queat, quod *humores*, quos *immediate* contingunt, *alterent* & ad talem excretionem *preparent*, quæ iidem aliàs è corpore *evacuari* solent: imo quis non facile concipiat, si per *infusionem* talem chirurgicam oblata purgantia *stimulante* effectu *tantam* operationem exserere debent, quantus non *extremè immoderatus* effectus ab *immediata ingestione* talium remediorum *intra ventriculum* pendere debeat: ut ita in hoc casu rectius ad *preparationem* humorum, quam *stimulationem* viarum concludere queamus: attamen negare non possumus, quod in *alio* singulari casu purgantia in humoribus quadantenus *alterata* etiam *stimulante* effectu operentur, testimonio *purgationum* in *infantibus* concitatarum per *lac nutricis*, cui purgans remedium oblatum fuit, ubi ob *differentiam ætatis & majoris sensibilitatis* præsentiam, etiam alterata purgantia, intra lac nutricis ex parte recepta, talem *subtilem, moderatam* tamen & efficacem *irritationem* viarum & simul conjunctam *abstersionem* humorum causantur, ut purgatio consequatur.

§. XII.

Proinde hanc evacuationem alvinam *artificiosa* methodo adjuvant talia adminicula, quæ *vias leniunt*, demulcent, *humectant* & *contenta* in *intestinis* diluunt, *emolliunt* atque elubricant; unde non quidem *involuntario* & nude *passive* fæces alvinæ *decidunt*, sed ob viarum *flexilitatem* & *materiarum* excrementitiarum *mobilitatem* natura hunc actum excretorium *majori activitate* administrat, siquidem aliàs actus *excretorii*, non sub directorio corporis, sed *naturæ* stant: quando vero remedia quædam materias *spissiores* in *intestinis* & primis regionibus hærentes efficacius *colliquant*,

quant, incidunt & *abstergunt*, insuperque *salsedine* sua *intestina* leniter *vellicant*, tunc perinde *hunc ductum* natura *sequitur* & *alvum* evacuat, unde medicamenta *detersiva*, *digestiva*, *salina*, quin ipsæ *thermæ* & *acidulæ* *alvum* aperiunt atque *laxant*; id quod etiam *talìa* remedia efficiunt, quæ in primis regionibus *fermentativam* aliquam commotionem excitant & *per hanc* aliorum humorum *resolutionem* perficiunt, qualia sunt communia *dulcia laxantia*, saccharata, prunata, passulata, mannata, tamarindinata: sed dantur etiam remedia quædam, quæ *intimius colliquatoriam* suam virtutem transferunt, ut demum hæ *resolutæ* materię *singulari directione* intra *intestina* deferri & denique ex iisdem *evacuari* debeant; qualis actus vero non *medicamento*, quod *non plus* perficit, quam quantum *valet*, sed *naturæ* competit, ut adeo *providè* in talibus casibus *discernendum* sit id, quod *remedium* & quod *natura* operatur: è quibus singulis animadversionibus itaque facile liquebit, quod neque medicamentum *per se*, neque corpus *sibi relictum*, neque remedii *relatio physica* ad corpus & substratas *materias* verum *formalem effectum alvinæ* evacuationis absolvat: sed occurrit adhuc notatu omnino digna observatio & inquisitio, videlicet an & quomodo *martialia* remedia *alvum* aperiunt? vulgo quidem eximiæ laudes de *aperitiva* virtute *martialium* perorantur, sed non immerito *questio* movetur, quo *respectu* *alvum* moveant *martialia*? *per se* id *minime* efficiunt, neque *stimulant* *intestina*; interim dum horum *tonum augent*, dum porro materia *excernenda* adest, imo dum *natura* nunc ad *evacuationem* suscipiendam *propendet*, ita *ultima* hæc incitatio, *strictoriam* aliquam commotionem in intestinis post se trahens, eo usque commovet *naturam*, quo *eandem excretionem* actu perficiat: quod vero *illa* *alvum liberantia* remedia attinet, quæ *diversum* *intestinatorum tractum* afficiunt, tunc *ratio* consistit, vel in *differente* horum *relatione* ad *diversos humores*

qui

qui in intestinis hærent, dum in *duodeno biliosi* magis, in *tenuibus fluidiores serosi*, in *crassis spissiores mucilaginosi* humores reperiuntur; vel in *citiori* aut *tardiori* remediorum *resolutione*, secundum quam nunc citius nunc iterum tardius *physicam* suam operationem exserunt, adeoque nunc *hunc* nunc *aliud* intestinorum tractum efficacius attingunt & afficiunt: quæcunque vero alia purgantia *caustico* sale multum prædita sunt, illa ob *vehementiorem* intestinorum stimulationem etiam *immoderatiores* commotiones *spasmodicas* & impetuosiores *dejectiones* causantur, quoniam pro *adverso* hujus subjecti *repentina* & *vegeta remotione* natura *omnes vires* atque conatus intendit & impendit: unde tam *male fida* sunt *colocynthiaca*, *scammoniata*, *esulina* & hujus census alia: testantur etiam diversæ observationes, quam *acriter* talia subjecta intestina offendunt, ut *inflammatoriæ* interdum commotiones in intestinis suboriantur, qualia experimenta & exempla allegavit *Wepfferus* in *tractatu de Cicuta Aquatica*.

§. XIII.

Neque etiam oblivioni tradendum est, quomodo medicamenta quædam, alvinam excretionem liberantia, *uno tempore efficacius*, alio vero *mitius* operentur: ubi non quidem nobis sermo est de eo, quando subjecta quædam post purgantium assumptionem in *regimine* aliquem *soniticum errorem* commiserunt, ut *hypercatharsis* insequatur, sed quando contingit, ut remedia talia multam *faburram* excernendam offendant, tunc ob hunc *stimulum* medicamentosum oblatum, natura *frequentius* & *copiosius* alvum deponit, id quod etiam evenit, si evacuantia remedia *tali tempore* exhibentur, quo nunc per se natura magis *sponte* ad *talem* evacuationem *inclinat*: ita exempla constant de Pillulis balsamicis *Stahlianis*, (quæ *alias lenissime* alvum aperiunt,) quomodo in uno eodemque nunc unam vel alteram *dejectionem*, alibi vero octies, decies alvinam excre-

cretionem induxisse observentur: & obtigit aliquando *D. D. Præsidi* casus in *Puerpera*, in qua mox post puerperium oblatae tales pillulae nullam *extraordinariam* evacuationem alvinam concitaverant: sed cum post octiduum paulo *largiori* prandio affati anseris puerpera illa usa fuerit, mox vehementes *cardialgias*, capitis dolores, *lipothymias*, *lochiorum* residuorum *turbas*, cum dolorificis *spasms* in *hypochondriis* experta fuerat, quæ vero post *earundem pillularum* assumptionem, ferme *viginti* dejectionibus alvi, satis *potentibus* evacuata & defatigata fuit, attamen *sine ullo damno*: nec non hæc observatio circa præsentem tractationem inculcanda est, quomodo interdum ex singulari *naturæ directione cathartica* remedia per *emesis* & *emetica* per *catharsin* rejiciantur; uti perinde *naturæ activitatem* in purgationis actu administrando & applicando testantur observationes *purgationum ex conspectu purgantis*, secundum *Salmuthum Cent. 3. obs. 14. Bartholinum Act. Hassn. vol. 5. obs. 49. A. N. C. Cent. 1. obs. 129*; aut purgationis ex odore *pharmaci purgantis*, qualem notavit *Salmuthus Cent. 3. obs. 8. ita recensentur purgationes ex imaginatione A. N. C. Dec. I. An. IV. V. obs. 160. An. VI. VII. obs. 238. similis conditionis est ingens illa catharsis ex insomnio A. N. C. Dec. I. An. III. obs. 234. Dec. II. An. IV. obs. 36. in App. conf. Bartholinus Cent. 5. hist. 64. Quod denique attinet illum modum, quo purgantia, ab extra adhibita, operantur, tunc talia subiecta communiter valde *acria & colliquantia* sunt, quorum *principia* per *poros cutis sanguini immixta* tantam subitanæam *resolutionem* *materia- rum mucidarum & serosarum* committunt, ut actus *excretorius* citius à *natura* subordinetur, uti recte etiam judicat *Scholias- tes* observationis 43 *A. N. C. Dec. II. An. I. quando itaque talia remedia ad regionem umbilicalem applicantur, tunc materia talis non latius circumvehi, sed propius intra intestina transferri debet, quam translationem vero in intestina neque corporis dispositio, neque ipsius materiae mobi-**

litas absolvit, sed primario *natura*, horum motuum *excretoriorum principalis* causa, perficit: & pro illustratione hujus circumstantiæ inservit ille communis casus, quando *diarrhœa ex refrigeratione* abdominis, post prægressam *exastuationem* corporis, concitatur, dum auctior illa *seri colliquati* & alterati transpiratio *subito reprimatur*, quæ *turbata* excretio imposterum cum tali *subordinato alvi fluxu* compensatur, quando *serum* illud subtile acre orgasmicum cum fluida *mucida* substantia *involutum* nunc in *proximiora se* & *excretoria* loca dimittitur & ne aliquam *noxam* inferat, prompte *expellitur*: & ex eodem fundamento ratio duci & inveniri potest, quomodo purgantia remedia, *odore* percepta, *catharticum* effectum post se traxerint, qualia exempla allegantur apud *Salmoth. Cent. 3. obs. 8. Hæchstetterum Dec. 4. cas. 8. in schol. Rob. Boyle de natur. determ. effluv. cap. 5. Schneiderum de osse cribriformi, Binningerum Cent. 2. obs. 86. A. N. C. Dec. I. An. IX. X. obs. 194. n. 25. & Dec. II. An. I. obs. 43. in scholio*: quanquam etiam in ejusmodi casibus multum valeat *imaginatio*, ita ut ob *adversum odorem* & *fætorem* naturatum ad *vomitum*, tum ad *purgationem* aliquando commoveatur: sed sufficiunt hæc de purgantibus dicta.

§. XIV.

Ad DIAPHORETICA remedia jam progredimur, horumque *modum operandi* exponemus; sed mox in limine hujus considerationis indicare debemus, quod & hæc evacuationis species sæpissimè *sponte à natura* administretur, adeoque longe *simpliciori* & *efficaciori* successu ab illa exerceatur, ita quidem, ut hæc *ordinaria* & *principalis* sit evacuatio, qua in *mitiori* gradu in *œconomia vitali* corpus suum *repurgare*, interdum vero paulo *intensius* adversarum & *noxiarum* materiarum remotionem perficere solet: proinde vero etiam mox indicare debemus, quod *nudus sanguinis impulsus* minime hanc excretionem *absolvat*, quare remedia

dia

dia sic dicta diaphoretica, quatenus *materiae* sunt, cum suis *qualitatibus physicis* diaphoresin non efficiunt, interim *occafionem* præbent & *naturam* quasi *alliciunt*, quo *secundum* remedium illorum *operationem physicam* hanc excretionem suscipiat & subordinet; attamen eo ipso *medicamenta* serum non expellunt; licet enim hæc *motum* in humoribus *intestinum augeant*, licet sub hoc *motu* serum attenuetur & augeatur, licet ipse etiam reliquus *impulsus* & progressus sanguinis intendatur & licet singulæ hæc circumstantiæ ad *sudorem* contribuant, tamen illum non *absolvunt*, siquidem sub *singularum* harum circumstantiarum *præsentia*, sudor tamen *deficere* potest & solet; v. g. in *initiiis febrium* adest & *intestina* & *progressiva auctior* sanguinis commotio, sed *deest* tamen *sudor*: unde *primario* ad sudorem requiritur *apertio* & *relaxatio superficiei* corporis, qua obtenta non æque adeo *magnus impulsus* & *orgasmus* sanguinis *necessarius* est, quin *facile* & *libere* sudor subsequatur: nunc vero iterum in *remediorum potestate* non est, quo *per se* & ab *intra* oblata *peripheriam* corporis *relaxent*, licet ab *extra* applicata diluentia, *emollientia* & *humectantia* *superficiem* corporis *flaccidam* reddere queant: hinc iterum concludimus, quod *natura causa efficiens diaphoreses* existat, quæ *secundum* remedium *operationem* *materias serosas*, *tenues*, *sulpureas* è corporis sui *peripheria* ita transmittit, quando hanc & *gradu* & *tempore* congruo aperit & *permeabilem* reddit, quæ *remissio toni* æque *sub potestate naturæ* est, ac illius *intensio* atque augmentum: hinc interdum etiam contingit, ut diaphoreses, *rite* nunc procedentes, subito *turbari* possint, quando cum intercurrente *animi pathemate* generalis quædam *pervrsio* motibus *vitalibus* accidit, ubi *repentina illa efficacia* & *potestas animæ* in hanc *evacuationem* inclarescit: sicut contra *remedia* sanguinem *valde impellentia* ad *sudorem* eliciendum, interdum *minime* satisfaciunt, ut ea propter *augmentum* illud *motus progressivi* sanguinis pro *primaria* causa *produci non possit*; quod vero

intensior ejusmodi motus aliquid ad sudorem promovendum conferat, neque nos negamus; id tantum inferimus, quod remedia minimè illius potestatis sint, quo excretionem proprie sic dictam & dicendam efficienter administrent: neque etiam motus progressivi augmentum remediorum potestati subjacet, cum nulla medicamenta ullum vere vitalem motum augere queant, licet causam suppeditent, propter quam motus tales deinde augeantur: quod vero secundum motus humorum intestini augmentum, etiam motus progressivus augeatur, alterius est directionis & æque à natura non vero à remedio dependet: quare remedium positivè diaphoreticum nihil aliud potest, quam orgasmum humorum augere: motus vero progressivi, ut actus vitalis augmentum & subsequens sudor, naturæ competit, quæ nunc humores copiosius in superficiem corporis transfert, eosdemque, si sufficienter fluidi fuerint, quando convenienter peripheriam aperit, evacuat & post sufficientem evacuationem iterum illam occludit: hinc notatu digna est illa observatio spontaneorum sudorum in febribus continuis contingentium, qui minimè illo tempore procedunt, quando orgasmus & impulsus sanguinis acerbior, sed quando mitior & remissior est, & illo tempore iterum cessantium, quando orgasmus & impulsus ille sanguinis denuo increbescit: neque quidem est, quo in peripheria notabilem spasticam constrictionem accusamus, cum vel ordinaria superficie corporis constrictione ad retinendum & reprimendum sudorem satisfaciat & cum in ejusmodi febricitantibus satis eminenter sanguis peripheriam ingrediatur, quod tam evidenter fieri haud posset, si rigidior quædam occlusio adesset.

§. XV.

Medicamenta itaque quæ sudorem provocant, diverse sunt efficaciæ, quædam enim ob principia copiose sulphurea, acria, subtilia, resinosa, oleosa, salina & interdum plane volatilia in massa sanguinea intestinam organicam com-

motionem valide *excitant*, dum ob *subtilitatem* & *mobilitatem* suam cito humorum latifundium *penetrant*, & sub hoc *intimiori* ingressu *subtiliorem* & efficaciorē *mixtionis* sanguinis *resolutionem* & *divulsionem* causantur; ne vero hæc *dissolutio sui juris* fiat & in *præjudicium integritatis vitæ* atque *sanitatis* succedat, mox supervenit *augmentum* motus *progressivi*, sub quo non modo sanguis *resolutus*, sed & *subtilia* hæc principia oblatis *medicamenti* *intimius* in *peripheriam* corporis transferuntur & posteaquam *cutis relaxata* fuit, denique penitus *evacuantur*: etenim hæc materiæ *subtiliores* & *agiliores* directe & *per se* corpori non sunt *proficue*, quia *mixtionem* animale[m] destruunt, attamen si eadem semel *intra corpus* & ipsam humorum massam delatæ, tunc minime *crasso* modo & *subitaneo* effectu, neque etiam ex *unico ostio* expelli possunt, unde vix magis *rationali*, quam hoc methodo apprimè *convenienti* è toto humorum *latifundio subtiliter* exterminantur, quam subtiliter eidem *immixtæ* sunt: quo *citius* itaque, *diffusius* & cum copioso aliarum *humidarum* materialium comitatu intra *peripheriam* corporis dejiciuntur, eo certius sub forma *aquosi sudoris* eliminantur, quo *lenius* atque *modestius* vicissim hoc contingit, eo *subtilior* & moderatior est ipse hic actus excretorius, quam discretionem etiam *sua sponte* servare solet *natura*, ut nunc per modum ordinariæ *insensibilis* transpirationis, alibi per modum *evaporationis*, sive *halitusosæ* transpirationis, interdum per modum *aquosæ* effluxionis, quam vulgo *hydrosin* vocant, *talis* excretio procedat: prout itaque *remedia* vel magis vel minus *acria*, *subtilia* & *agilia* sunt, ita ad *diversum* talem successum hujus excretionis disponunt, ni vel *spontanea* proclivitas ad *faciliorem* vel *difficiliorem* talem *evacuationem* in aliquo subiecto adsit: dantur vero etiam *remedia*, quæ *subtile vaporosum adversum sulphureum* principium valde *mobile* continent, quæ *inimicam* & magis *contrariam* *orgasticam* commotionem in humoribus provocant & ali-

as *sensui & perceptioni admodum adversa sunt, qualia narcotica*, existunt, quæ ipsi etiam ad *coactam & sub multa aversione, & confusione* succedentem, diaphoresin concitant, quare de *effectu & eventu* hujus diaphoreseos *natura non gaudet*, neque *levatur*, sed valde *torpida & debilis* redditur; qualis *analogia* quotidie in *moralibus* operationibus occurrit, quando cum aliquo *cædio, fastidio & aversione* administrantur, quæ *animum* magis affligunt, *turbant & prosternunt*, quam *erigunt & sublevant*: ita etiam dantur subiecta *diaphoresin* provocantia, quæ non modo *massam humorum diluunt*, sed & *majorem caloris gradum interno corpori conciliant*, adeoque *majorem intestinam commotionem excitant & ad progressivi motus augmentum* contribuant: hujus indolis sunt *juscula & decocta calida*, quin ipsa *simplicior aquæ calidæ ingestio*: inde contingit, ut eadem ingesta *humida substantia cum multa seri fluidioris copia* iterum evacuetur & quidem ex *illis consuetis* locis, per quæ *ordinariè* similes materiæ *excerni* solent, nimirum vel per *renes*, vel per *superficiem* corporis: haud vero *veritati* respondet illa assertio, quasi *calor ab intra* superficiei corporis superveniens, eandem efficaciam *relaxantem* habeat, ac *calida humiditas ab extra* immediatè corpori applicata, habere solet: cum *contrarium* conspiciamus in *febris acutis*, ubi interdum neque *internus* neque *externus calor tantum* efficit, quo *sudor* insequatur: ut ita in *caloris potestate nuda & absoluta* æque minus sit *peripheriam* corporis *aperire*, ac in *solo sanguinis impulsu*: siquidem quidam homines adeo *proni ad sudandum* sunt, ut vix *singularis caloris gradus* concurree debeat.

§. XVI.

Dantur etiam *alia remedia* quæ *citra ullam calefacientem & impellentem vim sudorem* causantur & quæ vulgo *privativa & fixa* diaphoretica vocantur, quæ vero cum *regimine* quodam *diaphoretico* adjuvari debent: hujus indolis sunt partim *terrea calcarea* sive *animalia* sive *mineralia* partim

partim *acidulata* remedia, siue è *vegetabili* siue è *minerali* regno petita & hæc in *subjectis illis magis* profunt, in quibus in genere *humores subtiliores* existunt, ubi propter sanguinis *nimiam tenuitatem* & *seri subtilem* immixtionem, hæc materia *serosa* non tam facile à *reliqua* massa sanguinea *secedere* potest & ubi propter *rapidum* & nimis *celerem* sanguinis fluxum, *subtilis* serosa portio constanter in illum *fluorem abripitur*, ut minus *suffICIENTER* peripheriam corporis & *subtiles ductus*, in poros cutis abeuntes, *ingrediat*ur; quapropter hæc *fixa diaphoretica* tum *toti massæ* sanguineæ, tum *seorsim* etiam *sero nimis subtili* aptiorem *consistentiam* conciliant, quo non modo hoc *serum* facilius à *sanguine secedere*, sed & post hanc secessionem *intimius* in *superficiem* cutis profluere possit: si itaque huic humorum *præparationi* moderatum *regimen* conjungitur, tunc ad hujus serosæ portionis *evacuationem* eo magis *natura* inclinat: vix vero facile talibus *privativis* diaphoreticis remediis vel vis *impellens* vel *tonum* peripheriæ corporis *ordinarium imminuens* & *relaxans* imputari potest, neque etiam *resolvens* efficacia iisdem adscribenda est, cum *absorbentia* & *acida* magis in *crassantem*, quam *attenuantem* virtutem habeant: quod vero *externus calor* & *calida fomentatio* atque *humectatio* ad sudorem contribuat, tunc ad *caloris* externi *sensum* peripheria corporis quadantenus *relaxatur*, interim ipse *siccus calor* non *per se* relaxat, nisi potius *propter illum calorem natura tonum* in peripheria quadantenus *remittat*, ne *sensus* caloris *molestus* fiat, neve hanc *superficiem* cum damno *exsiccet*, quapropter in hanc *copiosius* humores *affunduntur*, quo *caloris sensum demulceant*, siquidem *siccus calor* semper *molestior* est, inde etiam *per consequens* evenit, ut dum *superficies patet*, humores vero *intimius* ingrediuntur, denique *fluida* aqueo serosa portio extra hanc *superficiem* dimittatur: *humiditas* vero, tanto magis *calida physicam* habet potestatem partes *densas* & *tensas* colliquandi, *emolliendi* & *relaxandi*; hinc
rela-

relaxata cute humores *intimius* ingrediuntur & *fluidiores* horum substantiæ *facilius egrediuntur*, & hic fudor *posterius* speciei *exquisitius artificialis* est, ad quem ita *positivè & directè* natura haud concurrit, nisi ad illum magis *adacta & coacta* fuerit: dantur denique etiam in certis *casibus* remedia *diaphoresin* promoventia, quorum *modus operandi* consistit in efficaciori *colliquatione* humorum *serosorum* cum *mucida* substantia *inspissatorum*; uti in *scorbuticis, hydropicis, cochlearia, rad. ari, Zingib.* Tinctura *antimonii tartarifata*, *diaphoresin eapropter* facilitant, quia *spissius* illud serum *attenuant* & ad hanc excretionem *preparant*: ut dehinc natura eo lubentius ab hoc *molesto* sero sese liberet, idque *activo* concursu è corpore denique educat: quod vero *aceta* illa famosa *Bezoardica* attinet, tunc *mixtus* illorum est *modus operandi*, ubi partim *acidum acetii*, partim commixtæ substantiæ *resolventes* juxta *prædictam* nostram declarationem operantur: Lapis *Bezoar* per copiosum & *subtile* suum *sulphureum* & *tenuè terreum* principium ad sudorem disponit, per *illum modum*, quem de *positivis* diaphoreticis declaravimus.

§. XVII.

DIURETICA in ordine sequuntur remedia, quorum *modus operandi* perinde *diversus* est, ita ut æque minus hæc excretio tam rigorosè *nudè physicis* causis & qualitatibus adscribi queat: illud vero *fundamenti* loco indicamus, quod omnis *evacuatio spontanea* ad *vitam & sanitatem* pertinens & contribuens sub *naturæ potestate* stet, quæ propterea illam excretionem ita *augere & imminuere* potest, prout *ordini & æconomiae vitali* competit: quare etiam *spontaneæ* diureses sive *ordinariæ* sive *extraordinariæ* passim in *Historia vitæ humanæ* occurrunt: quod enim *ordinarias* auctiores & *copiosiores* diureses attinet, tunc frequentia passim occurrant subjecta, quæ præ aliis *largiores* iniectiones experiuntur & quidem vel ob *humiditatis aqueo-serosæ* *maiorē* copiam, vel ob *organorum* *maiorē* *flexibilitatem* & *mobi-*

mobilitatem, vel ob *propriorem* ipsius *naturæ* in hanc speciem evacuationis proclivitatem: sicut itaq; *mores & inclinationes* hominum per *individua* discrepant, ita etiam tales actiones in *vitalibus* differre solent: quid quod notatū digna illa est circumstantia, quomodo sub *impeditiori diaphoresi*, diuresis *copiosius* procedat & *viceversa*: quas *speciales* diureseos qualitates *nudis materialium* proprietatibus adsignare velle, difficile erit, dum neque *organorum aptitudo* pro formali & completa ratione hujus excretionis sufficiens erit, neque *nuda abundantia feri* aquosi semet ipsam ad ultimam evacuationem urgebit, neque ullus alius *stimulus sui juris* erit, quo hunc actum perficiat: unde per multiplices evidentes & solidas *demonstrationes* asserimus, quod tum in *naturali* tum in *artificiali* diureseos administratione *natura* primaria causa existat; hæc *motum* in organis ita *dirigit & disponit*, quo *effectus* respondeat & *intentioni & fini*, ne hæc excretio *confusè* celebretur, cum propter causarum *materialium* rationem *æque facile inordinate, defectivè* aut *excessive* exerceri queat; neque illa requisita, quæ ad *organi* aptitudinem spectant, *confundi* debent cum tota reliqua operatione; cum renes ultra *instrumentalem* suam rationem nihil ad *formalem* diureseos actum & successum contribuant? sicut vero in *moralibus* anima ad *unum eundemque* actum per *diversas* causas provocari potest, ita in *vitalibus* æque per *diversas* rationes natura ad diuresin excitari potest atque solet, & quidem, quod *ipsa* semper hujus actus *principalis* sit causa, licet *subordinatæ* causæ hunc actum invitantes, inter se *discrepent*: quis enim adeo credulus fuerit & tot *specifica fermenta* pro causa *diversarum secretionum* supponat, cum hæc assertio magis *infirmis suppositionibus* nitatur, neque illa traditio pro *solita* demonstratione declarari possit, quasi propterea in *renibus speciale fermentum* esse debeat, quia in *iisdem specialis humor* fecernitur; cum ne quidem illa *fundamentalis* thesis confirmari possit, quasi *secretiones humorum* per *fermentatio-*

nem procedere debeant: & quis non facile agnoscat, quomodo *accurata* illa applicatio motuum, secretionis & excretionis effectui respondentium, non in ipsa *materiali* rerum dispositione & *necessitate* hæreat, quoniam illi motus nunc *citius*, alibi *tardius*, nunc *fortius*, interdum *debilius*, nunc *congrue*, alibi vero *inordinatè* in organo exerceri possint, unde necessario ab *alio directorio* altiori & digniori pendere debet.

§. XVIII.

Nunc vero specialius illas *causas* perlustrabimus, quæ *differenti* quodam modo ad *diuresin artificiosè* provocandam contribuunt: dantur itaque *positive diuretica* & vias urinarias *stimulantia* subjecta, de quibus ex ipsa empiria & observatione constat, quod *specialem* efficaciam in vias illas urinarias habeant, ubi *triplex* notatu digna animadversio occurrit, *primo* quod hæc remedia, illas partes quas *proximè* & *immediatè* attingunt, ordinariè & *ut plurimum* nullo tali *parallelo stimulo* afficiant, easdemque ad *excretionem* aliquam urgeant, uti *diuretica alvum* non stimulant, neque purgationem causantur: *deinde* quod hæc remedia in humorum *massam* recepta, tamen non *eo usque* alterentur, ut deinde ad effectum suum *stimulantem inepta* sint; *tertio* quod denique eadem remedia *ex humoribus* stimulantem suam vim *renibus tantum* & non *aliis* partibus communicent, quas observationes & quæ phænomena hoc loco explicare non nostri præsentis fori atque officii esse judicamus, cum in eo *consensum* medicorum habeamus, quod *positiva* diuretica *renes stimulent* & hoc effectum ad *auctiorem* diuresin concurrant: talia *positiva* diuretica remedia continent *sal acre*, *acidum* subtile, interdum etiam *alcalinum concentratum*, aliquando plane *causticum*, quod humores *serosos* potenter *colliquat* & resolvit, deinde vero etiam *vias* urinarias afficit & *irritat*: quod vero talia diuretica remedia *renes* ut plurimum offendant, haud *improbabilem* subministrant assertionem, quod *sensatio* in *diversis* corporis

par-

partibus gradu discrepet, quæ etiam consideratio ex *externi corporis contemplatione demonstrativa* fieri potest, dum *alius gradus sensationis* est in *cute*, alius in *musculis*, alius in *tendinibus*, alius in *oculis*, alius ad *radicem unguium* &c. & secundum hanc *diversam sensibilitatem* partium quædam *subjecta salina* *diversas partes* affligunt & *magis irritant*: *modus vero operandi* in hisce *positivis diureticis remediis* *triplex* est, dum in ipso illo *organo naturam irritant*, in quo hanc speciem excretionis *ordinariè* administrare solet, ut propterea eadem natura hanc excretionem nunc augeat & hunc stimulum sequatur; deinde eo magis hanc excretionem *prosequitur*, quo citius & efficacius hanc *stimulantem materiam* *remedii diuretici* intra *tenuè & fluidum serum* receptam è corpore iterum *expellat*; denique quo *copiosum* illud serum, per remedium diureticum magis *colliquatum* & *resolutum*, nunc *liberius & facilius* ejiciat, quo magis huic actui *excretorio* illud serum nunc obtemperat: ita dantur etiam certa *subjecta & remedia*, quæ in partibus *nervoso-membranaceis*, *tunicaceis* & *tendinosi* tonum augent & *subtiliorem*, atamen satis *efficacem stricturem* excitant, velut *salia volatilia* efficiunt, quæ sub humorum colluvie intra *vias urinarias* delata, illarum texturam *membranaceo nervoso-tunicaceo-tendinosam* ita afficiunt, ut *intensior stricture* adeoque conatus ad *excretionem* subsequatur, quo vero excretio *frequentius* succedere possit, eapropter *connexa secretio* *augetur* & ita hac ratione & hoc modo diuresis, *artificiosa* *methodo* concitatur: sed valet etiam in hoc actu aliquid *sensibilitas* *subjectorum* per *individua* discrepans; quemadmodum quidam homines *præ aliis* in viis *urinariis* valde *sensibiles* existunt, ut ex *immutato potu*, licet cæteroquin bono, aut ex *potulento* *fæculento* varia *ordinariæ diuresis* eos *incommoda*, maximè vero *stranguriam* experiantur, ubi sub hoc augmento motus *ordinarii strictorii* in viis *urinariis*, hujus *adversæ* aut *inconsueti* & *molesti* *potulenti excretio* urgetur.

§. XIX.

Præter hæc *positiva* & *stimulantia* quidem diuretica, dantur adhuc *alia* & quidem *diluentia* & *emollientia*; quæ in genere ad omnes *ordinarias* evacuationes disponunt & quidem *duplici* satisque *simplici* & *evidenti* modo, partim *diluendo* materias excrementitias & ad *faciliorem se- & excretionem* præparando, partim *organa* se & excretoria humectando & *mobilia* atque *permeabilia* reddendo; ut sub utriusque tam *humorum*, quam *partium* aptitudine ipsum actum hujus excretionis eo *promptius natura* aggrediatur & exequatur: sicut vero utraque *qualitas* tantum *materias*, nimirum *organon* colatorium & *humorem* excrementitium concernit, ita eadem minime *ipsum actum* se & excretorium absolvit, quare & organon & humor *congruo* motu tractari & ad excretionem aptari debent: *motu* interim *congruo* talis excretio absolvi debet, neque in *formali* sua ratione aliqua *passione* nititur, quoniam materiæ excrementitiæ haud ita *confuse* per renes *dilabuntur*: hinc *passivi* tales lapsus *vitalitati* contrarii sunt, quoniam in illis omnes rationes *gradus*, *mensuræ*, *ordinis*, *temporis* &c. deficiunt: sicut vero hanc speciem excretionis *natura* ordinariè *sua sponte* committit, ita eandem vel sua sponte *augere* potest, prout *circumstantiæ* in corpore constitutæ sunt; vel paulo *molestius* & sensibilius ad hunc actum *excitari* solet, testimonio *diabetes*, aut *arte* provocatæ diureseos; vel denique in illo etiam casu ad hanc excretionem excitari potest, quando in hoc actu exercendo eadem *natura* *segnior* & *obliviosior* existit: *alius* proinde *modus* promovendi diuresin est, quando per remedia remissius *resolventia* & attenuantia serum *spissum* minusque tractabile in *fluidiorem* consistentiam convertitur & à *reliquis* humoribus connexis *abstergitur*, adeoque ad futuram *promptiorem* se & excretionem *præparatur*; si itaque nunc serum hoc *excrementitium* majori *mobilitate* gaudet,

tunc

tunc *sua sponte* illius excretionem etiam per diuresin *promptius natura* suscipit, dum motus illos in renibus *facilius* ad efficacem urinæ secretionem & subsequentem *excretionem* applicat: & licet dehinc actus hic se & excretorius *certius* succedat, quando materia *mobilis* est, tamen iterum *ipse actus* se & excretionis non est *organi*, sed *naturæ*; deinde hæc *natura salvo* etiam organo & *mobili humore* nihilominus actum se & excretionis *retinere, alterare & turbare* potest & solet: & hic ipse *modus* promovendi diuresin per *resolventia & abstergentia*, est non modo *securus*, sed & *efficax & temperatus*, qui in morbis *acutis* æque ac *chronicis* proficuum est, dum ad *repurgationem & attenuationem* totius *humorum massæ*, nec non ad *organorum* apertionem & *permeabilitatem* contribuit: superest adhuc *alius* consuetus *modus* promovendi diuresin, per oblationem *talium* remediorum, quæ serum *urinofum* in sanguine *augent*, adeoque *naturæ ansam* præbent, quo ob *copiam* huius salini humoris, illam excretionis *speciem*, qua alias *talem* humorem eliminare solet, nunc *majori alacritate* & vigore suscipiat & non modo *hæc oblata* subjecta & remedia, sed & sub reliquo *comitatu* notabilem *copiam inquilini* feri evacuet: quando etiam obtingit, ut *spasmodica* quædam strictura diuresin *impediat*, vel contumax *congestio* illam *obruat*, tunc *antispasmodica, temperantia, humectantia, lenientia, emollientia, sedativa, diureticum* effectum non *alio modo* post se relinquunt, quam prædictas *commotiones* congestorio-spasmodicas tranquillando & *removendo*, ita partes urinariæ denuo *referantur & perviæ* redduntur.

§. XX.

Cum de *serosis* quibusdam evacuationibus aliorumque *particularium* humorum excretionibus hætenus sermonem instituerimus, nunc progrediemur ad ARTIFICIALEM HÆMORRHAGIÆ PROMOTIONEM, quo videlicet *modo* illa succedat: antequam vero hanc

considerationem *specialiori* studio pervolvamus, necesse erit indicare, quomodo è toto penu materiæ medicæ *nulum* remedium occurrat, quod *proxime, directe & adæquate* alicui *speciei* Hæmorrhagiæ promovendæ quadraret & satisfaceret & quod propterea pollicitationes & *encomia* de *emmenagogis* remediis admodum *dubia & ambigua* existant, cum *communia* talia medicamenta non *illius* *efficaciæ* sint, quo ad *intimiorum* certum locum sanguinem *ita* convehant & congerant, ut ex eodem *actualis* eruptio subsequatur: *ingenere* vero iterum de Hæmorrhagiis *spontaneis* notandum, quod minime ex nuda sanguinis plenitudine pendeant, cum multa subjecta *eminenter plethorica* dentur, quæ *nulla* Hæmorrhagia laborant; quare *nimis violenta* requireretur *expansio* corporis, si sanguis per *nudam* suam *ubertatem* *actualem* talem *eruptionem* perficere debeat: neque *acrimonia* sanguinis talium Hæmorrhagiarum causa esse potest, aliàs omnes circumstantiæ ad *Historiam genericam* Hæmorrhagiarum longe *alterius* indolis esse deberent: neque *nudi spasmi* Hæmorrhagiis causandis satisfaciunt, qui *indifferentem* relationem habent ad *obstructiones* *oppletiones* *infarctus*, stagnationes, stases & retentiones, ac ad *perruptiones* præstandas & tales quidem, quæ cum evacuatione sanguinis *extra* & non *intra* corpus contingente respondent: cum itaque sanguinis *evacuatio* cohæreat cum *plethora*, & hac quidem *molesta & nociva*, imo cum *evacuatio* illa sub certis circumstantiis *legitime* procedens semper *salutaris* sit, propterea *tunc demum* noxa quædam superveniat, quando talis hæmorrhagia *supprimitur*, uti hoc negotium passim *Illustris Stæblius*, seorsim vero in *Programmate de consulta utilitate Hæmorrhagiarum* inculcavit; quid quod cum *talis* Hæmorrhagia neque ab ipso *pondere & copia* sanguinis, neque à *corpore*, neque à causis *externis* absolvatur, imo cum ad ejusmodi evacuationem sanguinis *justo tempore, ordine, loco, pondere, gradu &c.*

adminiftrandam, non *confusæ*, fed accuratæ & *proportionatæ* commotiones fpectent, ita harum Hæmorrhagiarum iterum non aliam *principalem efficientem* caufam eſſe, quam *naturam*, ex multiplicibus *ſolidis & indubiis* rationibus & *demonſtrationibus* inducti & convicti aſſerimus: quando itaque *extra violentam & craſſam* Hæmorrhagiarum provocationem, neque ſanguis neque corpus talem evacuationem tali *ordine & ratione* perpetrare poſſunt, ita in *revocatione & promotione* illarum primario *naturæ concurſus* neceſſarius erit, qui *tali etiam modo* atque *ordine* excitandus eſt, prout *toti negotio* Hæmorrhagiarum *quadrat*: eſt vero *communis* ordo *invitandi* Hæmorrhagiam, quando ſanguis *ſuperfluus* in corpore valde *commovetur*, ut non modo in *libero & legitimo* ſuo *progreſſu* admodum *alteretur*, fed & reliquis *connexis functionibus* depuratoriis, præparatoriis, ſe- & excretoriis ex hac alteratione varia *impedimenta* incutiantur, inde vix *ſimpliciori & ſinceriori* ratione huic *incommodo natura* conſulere poteſt, niſi ut ſanguinem illum *ſuperfluum* moderata quantitate *imminuat*, hinc reliquæ *futuræ commotiones* non *tantas* moleſtias parere poſſunt aut ſolent: quando itaque *artificioſe* Hæmorrhagiæ provocari debent, *eadem methodus* uſurpari poteſt, quo nimirum ſanguinea maſſa *aliquoties* in *intenſiorem orgaſmum* redigatur, ut eo ipſo *natura* ad eandem reſolutionem irrite-
tur, qua *ſuperfluum, moleſtum & commotum* ſanguinem ex *illis locis*, è quibus *antebac* eundem eliminare *conſueverat*, denuo *expellat* & pro hac reſolutione atque ſcopo, *eadem methodo iisdemque motibus* utatur.

§ XXI.

Sed quis non facile perpendat, quomodo *ille modus* provocandi hæmorrhagias neque ſatis *ingenuus* neque ſatis *ſecurus* fit, cum *plethoræ commotio* ad cauſas illas *morbificas* referri mereatur, ut ita non facienda ſint *mala*, quo eveniat *bonum*: nam qui *orgaſmum* in ſanguinem *abundan-*
tem

tem transfert, *malum* quid committit, quoniam *plethora quieta* & non impulsæ atque *commotæ*, *naturæ* minus molesta existit: si vero in tota *massa* sanguinea *orgastica* talis commotio provocatur, longe magis *suspectus* est actus, quam si in *unica* quadam regione aut parte *molesta* quædam *naturæ* irritatio suscipitur, quoniam sub illa sanguinis commotione *totum* reliquum corpus & *singulæ* illius partes *compatiuntur*: proinde etiam *hic* *modus* provocandi Hæmorrhagiam magis *suspectus* est, quoniam *gradus* commotionis *plethoræ*, *artificiose* præstandæ, non ita *exquisite* sub manibus & *specialissima* directione atque *potestate* artificis est, ac *aliarum* partium commotiones, ad quas *propius* pertingere potest artifex; ut ita in hoc modo illud valeat, quod de Platone refertur, annulo suo insculptum gestasse; *facilius esse movere quietum, quam quietare motum*: hinc longe *facilius* sanguinis *motus debilior augeri*, quam *auctus mitigari* potest: neque etiam *alia artificiosa methodo* Hæmorrhagia provocari potest, quando ad ipsa loca excretoria remedia *stimulantia* applicantur, quo *affluxus* sanguinis eo *fortior* ad talem locum provocetur, ut denique *plenaria eructatio* sanguinis consequatur: qui *modus quantæ* *efficaciæ*, *certitudinis* & *securitatis* sit, dispiciant illi, qui *Menses per pessaria stimulantia* & *Hæmorrhoides per suppositoria acria* provocare gestiunt; hinc *effectus* testabitur, an non loco *promptæ eruptionis* sanguinis, magis *suspecti affluxus*, *rubores*, *tumores* & *inflammatorii* motus oriantur: & quemadmodum sub *omni plethoræ commotione*, *undecunque* etiam illa provocata fuerit, demum *naturæ singularis* concursus requiritur, quo *abundantem* sanguinem ad *loca congrua* congerat & sub *justis motuum* applicationibus eundem *evacuet*; ita de *remediis* talibus sanguinem *turgescentibus* iterum ex *vero* & *certo* promitti non potest, quod *ultimam* sanguinis eructationem induxerint, uti æque minus *quamlibet* *aliam* sanguinis commotionem *actualis* Hæmorrhagiam

morrhagia consequitur, sed *opportunos naturæ* concursus demum expectatur, qui potius à *spontaneo naturæ* arbitrio, quam *medici coactione* pendet; hinc etiam *toties frustra* remedia talia exhibentur, donec speratus effectus consequatur; quidquod facilius evenire potest, ut si sanguis paulo minus fluidus fuerit, loco *simplicioris orgasmi* aut *actualis excretionis*, suspecti *infarctus*, *oppletiones* & *suppressarum* Hæmorrhagiarum *confirmationes* atque contumaciores *obstructiones* oriantur: ex qua consideratione inculcamus, quam *anceps* hic sit *modus* promovendi Hæmorrhagias & quam *suspectus* sit *modus*, quo remedia talia *operantur*: etenim inter alias historias & observationes, quæ medicis animadversionibus annumerantur, occurrit illa, quod inter indos herba reperiatur, quacum per *artem sudor sanguineus* provocari possit: cuius rei mentionem facit *Baroncellus Lib. 2. de sudore cap. 11. & Petrus de Osma in Epistola ad Nicolaum Monardem conf. Paul. Zacchias in Quæstion. med. legal. Lib. 3. tit. 2. qu. 2.* in quantum vero huic relationi *fides danda* sit, medici inter se nondum consentiunt: & quoniam de aliis remediis, quæ *vulgo* Hæmorrhagiarum *promotioni* dicantur, constat, quod illorum effectus tantum *genericus* sit, ita nihil valet illa opinio, qua remediis illis *specialis relatio* & efficacia in *illas* partes, è quibus sanguis profluere alias solet, affingitur; nam de diureticis antea dictum fuit, quod communiter *tantum vias urinarias* stimulent, qui *effectus* testatur *specialem* illam *relationem* horum remedium in *has vias*.

§. XXII.

Quæ hætenus dicta sunt de modo provocandi Hæmorrhagias amissas, illa nunc ad ipsa illa *communia* remedia, de quibus asseritur, quod *Menses* & *Hæmorrhoides* revocare debeant, *applicanda* erunt: ex hisce vero quædam illius indolis sunt, ut propter principia sua *subtilia*, *volatilia* & copiosa *sulphurea* præcipue, *acria*, *resinosa*, *oleosa*

sa & conjuncta *salina* massam sanguineam intensiori intestino *spumefactorio* motu exagitent, cui augmentum *progressivi* motus conjungitur, ut propterea præsens *abundans* sanguis *validè* & præter ordinarium modum plus *commoveatur*; ab hoc vero *motu moleste* afficitur *natura*, ut sanguinem, in *nimia* sua quantitate *adversum*, vel è *pristinis* locis, e quibus eundem *alias eliminare* consueverat, *denuo* expellat & pro *hoc fine* motus necessarios & *excretoriæ* functioni respondentes atque convenientes applicet, quo *actua-*lis talis sanguinis eructatio consequatur, vel ex alia parte eundem *superfluum* sanguinem eliminat, sub illa quidem *moderatione*, ut *mitius* impulsus & provocatus etiam subsequenter Hæmorrhagiam cum aliquali *continentia* perpetret, *immoderatus* vicissim commota, hunc stimulum cum *majori impatientia* & vehementia prosequatur: ex eo vero subinde in tali negotio *naturæ* concursus *ulterius* observari potest, dum Hæmorrhagiarum vel *mitior* vel *gravior* successus, tandem iterum *acquiescit*, ni sub maxime *immoderata* inducti *stimuli* prosecutione, denique cum evidenti excessu talis Hæmorrhagia continuet: sed quoniam ejusmodi sanguinis profluvium etiam *sponte* iterum *cessare* potest atque solet, itaque merito *naturæ activitatem* accusamus, quæ parili ratione aliàs Hæmorrhagiarum *terminos* dirigere solet; etenim ni hæc *moderatio* superveniret, *semper* Hæmorrhagiæ cum *lethali* eventu excurrerent & eo usque continuarent, donec in *extremum* gradum sanguis emanaverit: quando itaque catalogus illarum specierum medicamentosarum pervolvitur, quæ *Menses restituere* dicuntur, certè vix *alia* ut plurimum reperiuntur subiecta, quam talia, quæ efficacius sanguinem *impellunt* & vulgo *acriorum* nomine veniunt, sive *aromatica* fuerint, sive alia, cujus indolis sunt *myrrhata*, *crocata*, &c. & hæc eadem medicamenta vulgo ad *Hæmorrhoidum revocationem* laudantur, quæ eodem modo in tali casu operantur: alias

vero tum ad Mensium , tum Hæmorrhoidum promotiōnem & *restitutionem* commendantur talia *alvum aperientia* remedia , quæ magis *inferiora* intestina stimulant & *ad illa* tum *totius* massæ sanguinæ *majorem* copiam , tum aliorum *specialium* humorum mucidorum quantitatem advocant: quo *majori* itaque copia & quo *frequentius* alibi in has *inferiores* regiones sanguinis *accessus* invitatur , eo facilius natura hisce *inferioribus* locis ita *adsuescit* , ut quando *spontaneas superflui & molesti* sanguinis exonerationes suscipit , ex *hisce* regionibus easdem perficiat: hac ratione *aloëtica & helleborina* ad *motus hæmorrhoidales* provocandos & augendos contribuunt: quid quod talia remedia ejus efficaciam sunt , ut per *frequentiore* illorum usum *successivè* in hæc loca ita *invitetur natura* , ut , si antea *vix sua sponte* eo declinaverit , nunc propter *frequentiore* stimulum , in hisce locis perpeßum , magis reliquas *insolitas* sanguinis & congestorias & eluctatorias commotiones eo transferat ; sicut de prædictis remediis passim constat , quod hoc elogio gaudeant : ita etiam liberiores & repetitæ *laxationes* ex eodem fundamento ad harum Hæmorrhagiarum *revocationem* conferunt , quoniam magis hosce *motus* excretioni subservientes in *inferiores* regiones convocant , ut in hisce natura *extraordinarias* suas evacuationes perficere contendat : quod denique *martialium aperitivorum* vim & efficaciam circa *restitutionem Hæmorrhagiarum* attinet , tunc eadem perinde *æquivoca* est , siquidem talia remedia *per se & simpliciter non* aperiunt , quando vero *spontanei interni* apparatus & conatus ad Hæmorrhagias adfunt , tunc martialia remedia , *tali tempore* oblata , ad *strictoriam* commotionem stimulum addunt , quam subtilem & efficacem constrictionem *natura* nunc in *illo loco* administrat , in quo impræsentiarum cum *extraordinario* actu eluctatorio occupata est , quæ strictura *hisce locis* addita , ubi jam *congestoriæ* commotiones vigent , tantum effi-

ciunt quo ultima denique *eruptio* superveniat: qui vero talia remedia *inopportune* ordinat, loco salutarium *apertionum*, firmiores *occlusiones* impetrabit: quodsi contra remedia sanguinem *commoventia*, ad *inferiora* loca *derivantia* & *stricturam internam* provocantia simul & in *una formula* exhibeantur, tunc aliquando *certior* Hæmorrhagiarum *restitutio* obtineri potest: sed postulat hæc *methodus prudentem artificem*,

§. XXIII.

Ex eodem hætenus tradito & exposito fundamento, fuit ille modus, quo remedia quædam ad SECUNDINARUM, MOLARUM & FOETUS MORTUI EXCLUSIONEM operantur & *cooperantur*, de qua animadversione mox hoc loco atque ordine tractamus, quoniam in præcedentibus de purgationibus *uterinis* sermo institutus fuit; sicut vero in *Mensium* & *Lochiorum* promotione & revocatione uterus à *copioso* & *molesto* sanguine liberatur, ita in hac specie evacuationis, à *solido* quodam, sed perinde *inutili* & *adverso* subiecto liberatur & *repurgatur*; etenim *Secundinæ*, posteaquam foetus *exclusus* est, æque minus in corpore *retineri* debent, ac *falsus conceptus*, *mola* & *mortuus foetus*, qualia subiecta perinde *æquali* motu *extra* uterum ducenda sunt, quo aliàs *legitimus* partus absolvitur, neque quidem huc *confusi* & immoderati spasmi quadrant, sed ita plane *ordinati* & *sufficientes*, quo *excretioni* inducendæ satisfaciant, uti aliàs per *easdem* spasmodicas commotiones uterus *occluditur*: quando itaque tam *menstruus* sanguis, quam *perfectus* foetus à *natura* humana *convenienti* tempore, citra aliquam *physicam coactionem* evacuatur, imo quando *animiturbæ* hanc excretionem graviter offendere & *alterare* solent, ita certè alienum esset, in *alia* uterina purgatione *aliam* & quidem *turbulentam* atque *obscuram* causam accusare velle: per hanc demonstrationem mox inculcamus, quod *secundinæ*, *falsus conceptus*, *mola*,

la, foetus mortuus ab *eadem natura* per *eosdem congruos* uteri spasmos expelli debeant: si vero nunc illum *modum* perpendimus, aut rectius illam causam peruestigamus qualis ad mensium & legitimi foetus exonerationem contribuit, tunc vel *inutilitas* & *molestia* sanguinis *superflui*, vel ulterior *inutilitas* foetus in *utero* ad hunc actum disponere observatur; quicquid itaque sanguinis *abundantioris* praesentiam magis *molestam* reddit, illud in foeminis ad evacuationes *uterinas* inducendas, concurrit: quare per multiplicem observationem comprobatum est, quomodo eminens *plethora*, vario modo *impulsa*, ad *abortus*, interdum *numericos* & plane *periodicos*, disposuerit: unde quidem non in *artis* communi & usitata methodo & *potestate* est, *directè* uterum & immediate ad *tales* spasmos & excretiones adigere & provocare, cum ne quidem pessaria, fomenta, suffimigia admodum *probata* & *secura* sint: nisi in foeminis *robustioribus* aliquid quandoque valeant: tamen *communior* illa deprehenditur esse methodus per *interna* remedia hanc exonerationem uteri perficiendi aut ad minimum tentandi: quare aequè *ambiguus* successibus hic actus excretorius subjacet, ac alter *parallelus*, quo Mensium revocatio urgetur, perinde multis *difficultatibus* obnoxius est: tanto minus vero *prompte* natura se ad *mortui* foetus exclusionem accingit, quo magis non modo illa de *interitu* foetus, quem cum *tanta cura* & sollicitudine haecenus gestaverat, *idealiter* perturbata & perterrita est, sed & quo magis hoc *cadaver*, quod in *vivo suo* corpore occlusum tenet, *aversatur* & circa illius extrusionem *ambigit*, *remotionem* quidem illius omnino *desiderans*, sed quo ipsamet *mortuum* foetum aggrediatur, *abhorrescens*: hinc foetus *mortui* exclusio tam *difficilis* & operosa est, quoniam in illius administratione natura tantopere *ambigit* & *confuse* procedit, ut ea propter *duplici stimulo* & moderamine in hoc negotio opus sit, *primo* quo adeo *abjecta*, timida & *trepida* natura *reficiatur* &

hac *grata* refocillatione, ad opus hoc *liberius* suscipiendum, excitetur, insuperque in necessariarum *virium* conservatione eadem hoc opus exequatur: *secundo* quo partim ad motus *vegetius* exercendos magis adigatur, partim ita *præparetur*, quo sub *speciali* motuum applicatione ad *uterum*, præsens illud *inutile* subjectum, quod in utero hæret, *expeditius* exturbet atque projiciat.

§. XXIV.

Communiter itaque ad horum contentorum *uterinorum* exclusionem *talia* remedia commendantur, quæ *Mensibus expellendis & impellendis* vulgo dicantur, qualia subjecta cum ad *fortiorem* sanguinis *commotionem* inducendam contribuant, eo ipso etiam præsentem sanguinis *ubertatem* naturæ *molestiorem* reddunt, ita hæc à tali causa commota & irritata, sanguinis *superflui* & molesti *exonerationem* è *tali* loco & parte suscipit, unde ante hac idem negotium perficere consueverat; quoniam etiam in utero aliud quoddam *insolitum* subjectum præsto est, ita *simul* hujus exclusionem profequitur, quæ ultima operatio, in comparisonem ad priorem, magis *accessoria* est & indirecta, cum *prior* naturæ contentio *sanguinis* molesti *exonerationem* concernat: interdum vero & accidit & succedit negotium, ut in locis *genitalibus* per *acria* remedia, aut halitus & vapores irritantes *commota natura* cum iisdem locis *spasmodicas* commotiones exercent, quæ *primario* quidem *adversis* remedii expugnationem respiciunt, *secundario* vero unà *contenti adversis* subjecti uterini exclusionem inducunt, aut simul eadem *acria* remedia adeo *naturam* in *illis* locis offendunt, quo hæc proximius *contenta* subjecta extra *uterum* pellat: ita etiam ad similem *exclusionem* disponunt *alvum* subducentia experimenta, quæ naturam eo usque commovent, ducunt, seducunt atque irritant, quo perinde *deorsum* objectum illud in utero hærens & *excretionem* indigens profequatur & plenaria denique evacuatione projiciat,

jiciat: hinc *purgantia* remedia, tum quia in genere *fortem excretionem* inferunt, tum quia *catotericam* evacuationem involvunt, tum quia *sensibiliter* & moleste *inferiores* regiones ad *evacuationem* irritant, tum etiam quia ad molestant *sanguinis commotionem* contribuunt &c. ad *abortus* provocandos quadrant: adhuc *remotiori* vero causandi ratione atque modo *vomitoria* remedia ad horum *contentorum uterinorum* exonerationem conferunt; eapropter tamen, dum experimenta talia allegamus, non illorum *usum* tam facile & *promiscuè approbamus*, sed tantum indicamus, quid & quomodo aliquid fiat in negotio *urgendæ* hujus repurgationis uterinæ: & dum vomitus *spasmodico-convulsivis* effectibus succedunt, ita non modo *ventriculus*, sed & *unà uterus*, in quo perinde *insolitum* quoddam subjectum hæret, concutitur, motuque *spasmodico* afficitur, *per quem* hæc subjecta partim à *nexu* suo, quem *cum utero* habent, liberantur, partim denique penitus *extra uterum* protruduntur, qui *modus* itaque est valde *immodestus*, *violentus*, coactus atque crassus, qui quidem *aliquando* uterinam talem evacuationem post se trahit, interdum vero etiam *contrarios* maximèque suspectos effectus edit, adeoque in numerum *curationis per accidens* succedentis, referri mereatur: Plura hac vice addere non lubet, licet in animum induxerimus totam hanc disquisitionem de modo operandi medicamentorum, uno labore & specimine pertractare: accrevit vero nostra meditatio sub manibus eo usque, ut tantum PRIMUM SPECIMEN hujus considerationis *hac vice* produci potuerit: L. B. interea æquibonique consulat, quod hic labor abrumpi debuerit; nolimus alicuius patientia in perlegendis pagellis, speciminibus Inauguralibus destinatis, abuti, unde modestiæ nostræ id adscribendum esse, reputamus: dabit Deus benignissimus occasionem, quo hæc tractatio *pluribus* Speciminibus absolvatur & quod deficit, suppleatur: interea

huic

huic divinæ clementiæ devotissimas grates persolvimus,
quod in præsentī labore nobis adesse & adstiterē voluerit,
cujus directioni & ulteriori promotioni, tum præsentem,
tum connexas reliquas tractationes humillime
consecramus.

Sonnet.

Es oft man bey sich selbst die Medicin betracht,
So hat der Höchste uns nichts bessers können geben
Wodurch man kan gesund, beglückt, vergnüget leben
Ja welches uns vertreibt, so manche Trauer-Nacht:
Sie ist der Baum, damit der Himmel uns bedacht,
Da Rosen unsers Wohls mit vollen Knospen schweben
Daher muß jeder auch mit Fleisse dahin streben,
Daß er sich dieser Kunst mit rechte würdig macht.
Dis hat Er, Werthster Freund, stets bey sich überlegt
Und hat mit vieler Müh dergleichen Wiß empfangen
Daß man die Frucht icht sieht in rothen Purpur prangen
Dergleichen Er aniezt auf seinem Haupte trägt
Und fährt Er ferner fort in emsigen Bemühen,
So wird auch solches noch was grössers nach sich ziehen.

Mit diesen wenigen wolte seine aufrichtige Freunde
sCHAFFT und Vergnügen bey dieser Promotion
bezeugen,

MARTIN FRIDERICUS SCHWARZ,

Gubena Lusatus,
Medicin. Studiosus.

